



Tauologologo

O LE PASIO

APERILA 2019

Lo'u Atua e, lo'u Atua e, se a 'ea le mea ua e tu'ulafoa'i mai ai iā te a'u (Salamo 22). Mo i tatou, o puapuagā fa'aletino a Keriso ua foliga mai e matuā leaga tele. O le mea lea a matala-mata i le ata tifaga e pei o le Pasio a Keriso (The Passion of the Christ) na momoli mai ai o ni fa'aaliga manino ta'itasi o sasa na tau'ave e lona tino. A mafaufau atili i ai, o talosaga masani ai i misitelio o le fa'anoanoa a le losalio, fa'apea le ala o le koluse, ua fa'aautū i taimi lava ia e tasi: le sasaina, le pa'ū i lalo ona ole mamafa o le koluse, lona fa'alogoina o fao a o tutu'i i ona lima ma ona vae, lona maliu i le mafatia. I le tomanatu i lona maliu, ua tatou metitasio ai i fa'anoanoaga a le lalolagi, i le fa'asauāina o Iesu, ma tatou fo'i, fa'aleagaina e pei ona i ai e taua ma fa'asauaga.

O Evagelia fo'i latou ia, e ui i lea, e ofo ai i le taofiofi o fa'amatalaga e uiga i lona puapuagā fa'aletino. Ua na ona ta'u maia i ni fa'apuga pupu'u: sa latou sasa iā te ia, sa latou fa'akoluseina o ia. O lona maāsiāsi sa latou fa'amamafaina mai. I le lalolagi Roma, o le matagā o fa'akoluseina uma ua ta'atia lea i lona maāsiāsi, ma le inosia na o'o iā Iesu ma sa fa'apea ai lava ona fai. Sa tauemuina e fitafita Roma, o latou sa fa'aofu o ia i ofu tautupu ma le pale na fai i la'au matuitui: *ae fai mai fo'i o ia o le Alo o Tavita*. Sa ulagia ma taufaifai e latou na ui atu a o tautau o ia i le koluse: *fai mai fo'i o ia o le Fa'aola*. Sa tauemu i ai se tasi o pagota sa i ona autafa: *fai mai fo'i o ia o le mesia*. O le tusitusiga tauemu a Pilato sa tautau i luga a'e o lona ulu na fa'apea mai, *Iesu o Nasareta, le Tupu o Tagata Lutaia*.

Na sasa Iesu; sa tauemuina; na mulimuli ane, na tu'ulafoa'ina. Na tu'ulafoa'ina e tagata lautele, o latou ia sa ia a'oa'o atu i ai ma fa'amaloloina. O le sauniga mo le Vaiaso Pa'ia ua fa'amatanu mai ai mea ia iā i tatou. E amata i le polesesio o le aso Sa o le Palema, ina ua 'au atu le fa'apopotoga e tauave le vaega a le motu o tagata na feiloa'i atu iā Iesu a o ulufale mai i Ierusalemia i pesepesega o le vivi'i. O le motu o tagata lava lea, i le lima o aso mulimuli mai ai, na malomaloā ma fa'atauanau mo lona toto. Soso'o ai, na tu'ua e ana uō, ae maise lava o Peteru, o lona fa'amaoni iā Iesu na tanumia e le mamafa o lona fefe. E i ai se taimi fa'anoanoa i le tala a Luka, i le uma ona fafiti fa'atolu Peteru na te lē iloaina Iesu, ina ua vivini le moa ma na liliu atu Iesu ma va'ai atu iā Peteru. Na iloa e Iesu ua fa'alaitaina o ia.

O le mea ua sili atu le leaga, ua lagona e Iesu ua tu'ulafoa'ia o ia e le Tamā. Ua na o le lua aso i luma atu, i le Togala'au o Ketesemane, sa ia talia lona iuga ma le loto malie atoa. Sa tau musu, ma le fefe tele, na afu ua liligi ifo, e pei ona fai mai Sagato Luka, ua pei o 'alu'alu toto ua pa'ū ifo i le 'ele'ele. Ae sa tu'uina atu o ia lava i le finagalo o le Atua: *Lo'u Tamā e, a e finagalo i ai, ia e ave 'ese lenei ipu iā te a'u*. Ae ui i lea, *'aua le faia lo'u loto, a o lou finagalo*. Ina ua i luga o le koluse, sa ia alaga ma le mafatia tele, ua le toe fa'aogaina le upu, Tamā, a ua fa'aoga le upu aloa'ia ma le fa'aaloalo *Eloi*,

Lo'u Atua e, lo'u Atua e, aiseā ua e tu'u lafoa'ia ai a'u?

Ua fua ma tofotofu Iesu i le loloto o le a'afiaga o le tagata. Ona manatua lea o upu a se tasi o tusi solo:

Leai se mea sili atu le maualalo, e leai lea
O tigā ua te'a atu ma mafatiaga
O lē o le 'a fa'amafanafana, o fea,
O fea au fa'amafanafanaga?

Ae fa'apefea lenei mea? Pe moni 'ea latou sa tauemu? E fa'apefea iā ia ua fa'aalia o ia o le Mesia, le tasi na filifilia e le Atua, ua lagoina ua tia'ia o ia? Fa'apefea ona ia le fa'atuatua le mana o le Tamā e maua i ai le fa'amafanafanaga? E le'i mamulu atu le fa'atuatua a Iesu; ana fa'apea ua i ai se tulaga fa'apea se manū e lē vala'au i le Atua. Ae na o le pau le mea o totoe iā te ia ua na o se fa'atuatua fa'atauva'a. O isi mea uma ua mou atu lea. Ae o lenā fa'atuatua fa'atauva'a ua lava; ona e iloa e Iesu le Salamo atoa sa si'isi'i mai ai. I le uiga o fa'anoanoaga ma mafatiaga ua iloa tino na liua i le fa'amocmoe:

E lē 'ino'ino fo'i o ia i le puapuagā o lē ua puapuagatia;
E lē liliu 'ese fo'i e ia ona fofoga iā te ia;
Na tagi atu o ia iā te ia, ona fa'afofoga mai ai lea o ia

O le mea lea e leai se tigā, leai se fa'aleagaina, leai se lē amana'iaina ua lē mafai ona pa'i atu i ai le Tamā. O lenei fe'au fa'asoisā o le Eseta o le Atua e lē fa'alavelave i tigā a le lalolagi, ae ulufale atu i lona fatu atoa. Ua na o i'inā ua mafai ai ona ia suia; ma e na te suia lava. O le mafua'aga lenā e lē tatau ai ile tala ole Pasio ona tuto'atasi. O latou na a'afia i le fa'anoanoaga e tatau ona ui atu i le fa'anoanoaga lava ia ma aga'i atu ile olioli o le Toetū.

O le mafua'aga lenā ua tu'uina mai ai e le Ekalesia o ona ia lava tala, le tala o le sauniga o le Eseta i le afiāfi o le Aso To'ona'i Pa'ia. O le pogisā ua sunu'i e le malamalama o le afi; le paganoa ua taulau e pese. I so'o se nofoaga ua fa'atumulia e teu fuagala'au, o molī sela, o le vai – le fa'aailoga o le ola ma le fiafia. O le pogisā na moni, ae ua liua le pogisā i le malamalama.

Ia manuia le tatou savaliga o le Eseta

AFIOGA KATINALE JOHN DEW



Ia Tumau Outou i le Filemū,

I le lua vaiaso talu ai sa ou tusia ai se laina na ou maofa tele ai i se pese na usuiana i le Misasa sa ou ta'ita'ia mo Tama'ita'i Sā. O le laina o le pese e fa'apea "E leai lava se taimi mo le fa'amoemoe e mate ai" Ma le lē mailoa i le vaiaso na soso'o ai o le a feagai atu Niu Sila ma se "taimi pito sili le pogisā". O le fa'alavelave i le maliliu o tagata e to'a 50 na tafana ma fasiotia a o fa'atasi atu i ni faiga tatalo i le aoauli o le aso Faraile ua faigofie ai lava iā i tatou ona manatu a'e ua mate le fa'amoemoe. Ua tatou fa'alogi i le tele o fa'aupu fa'apea ua "suia Niu Sila e fa'avavau". Ou te talitonu e moni lea, o se taimi faigatā tele mo tatou uma ma o le a fa'apea ai lava mo se taimi umi.

I le ogatotonu o nei fa'alavelave o tagata mai le atunu'u atoa ua o mai i le faitau afe e tatalo i sauniga e tele, momoli atu teu fugala'au i Mamalu Moselame ma tūtū fa'atasi ai i fafo o nei malumalu o le fa'ailoga o le lagolagosua i tagata Muselami. O le 'au faiupu o le Malō ma Ta'ita'i o A'ai e le masani ona tautatala i le alofa ma le agamalū, agalelei ma le tausiga ua fa'apea ona latou tautatala ma le loto

fa'anoanoa.

Ua tatou molimauina le loloto o le agalelei ma le alofa i le tele o tagata. Ou te le'i fa'alogi lava muamua ile tele o tagata ua talanoa ile gaioiga matuiā ma le sauā ua aumai ai i fafo le agalelei o le tele o isi tagata. O le taimi lenei mo so'o se tasi i Niu Sila e tutū fa'atasi ai ma fa'apea mai tatou te lē manan'o i nei faiga fa'alavelave ma le fa'ailogalanu ma le feitaga'i, o amioga e lē talafeagai ma le tau fa'aleaga e lē o ni mea ia a lo tatou sosaiete.

I le tausaga talu ai na tusia e Pope Faranisisi se tusitusiga matagofie i le Pa'iaga na fa'aigoaina "Gaudete et Exultate," sa ia tusi i le malosi o le vala'au i le pa'iaga ma fa'aogā ai fa'amanuiaga mai le Evangelia a Mataio e fesoasoani iā i tatou e tomanatu ai i le uiga o le pa'iaga. Sa ia tusia:

O le pa'ia i le loto, o le pa'iaga lenā

O le tali atu i le agamalū ma le agamaulalo: o le pa'iaga lenā

O le pa'i atu i fa'anoanoaga a isi: o le pa'iaga lenā

O le va'ai ma le galuega fai i le alofa: o le pa'iaga lenā

O le fa'asaoina o le loto mai mea e fa'aleaga ai le alofa: o le pa'iaga lenā

Fa'atupuina o le alofa i o tatou si'osi'omaga: o le pa'iaga lenā

Faitau afe tagata i Aoteroa Niu Sila nei o lo'o fa'anoanoa fa'atasi ma isi, sa fa'aali lo latou loto fa'anaunau mo ni amioga lelei ma le amio tonu ua fa'aalia le agalofa, ma fa'asao o latou loto mai ni faiga e ono afaina ai upu ma galuega o le alofa, ae maise lava le totōina o le filemū i so'o se nofoaga. O le tele o na tagata e le manatu o latou e "pa'ia." Ou te talitonu ua fa'apenā i latou.

Ou te fa'afetai i le Atua ma ou te fa'afetai i tagata o Niu Sila na fa'aalia lo latou alolofa ma le agalelei, o tu ma aga fa'apenei o le fa'aulufale mai o tagata uma ma talia i latou i lenei atunu'u tatou te mitamita e ta'ua o lo tatou aiga. E sili atu lona telē i lō Niu Sila; o fe'au o le alofa ma le lagolagosua na maua mai Ta'ita'i o Nu'u ma Ekalesia mai le lalolagi atoa o lo'o mafaufau mai ma tatalo mai mo tatou.

Fa'afetai atu iā te outou uma na lē ***"tu'uina atua le fa'amoemoe ina ia mate."***

+ Ioane

INA UA ULUFALE ATU IESU MA LE MANUMALO I IERUSALEMA, o ti'eti'e atu i le asini (Sakaria 9: 9), o le motu o ona so'ua o folafola o ia ma le leo tele i nofoaga fai tele, "*Ia manuia le tupu o lo'o maliu mai i le suafa o le Alii; o le manuia i le lagi, o le vi'iga fo'i i mea aupitoaluga.*" (Luka 19: 38). Ua matua fefefe le 'au Farasaio, ae o lo tatou Ali'i ua le mafai ona toe taofiofi latou na mulimuli atu ia te ia. Ona o lona itulā ua o'o mai, ma o lenā itulā ua sau ai ma lana fetalaiga. '*Ou te fai atu ia te outou, āfai latou te lē pisapisaō, e 'alalaga mai lava o ma'a* (Luka 19: 40)

O le alofa e tatala atua le laulaufaiva. E i ai taimi, a tatou iloaina le mea moni, e tatau ona tatou tautala ai ma fa'amate i le oti. O le leo a le tagata o lo'o i le fatu o le mea moni misitelio na faia i tatou i le fa'atusa o le Atua, ona ua fa'amatalaina e le Atua o ia lava o le Upu. O la tatou fa'atua o lo'o afiafi i tautalaga. *Ua foa'iina mai ia te a'u e le Ali'i le Atua le laulaufaiva o ē ua a'oa'oina ina ia ou iloa ona fa'amafanafana i se upu i lē ua tigaina* (Isaia 50: 4).

Manumalō ma vaivaiga: o maka nei e lua o le fa'amatalaga na talatala malie mai i le piriota mulimuli i le olaga a lo tatou Ali'i. Na laina tagata ina ia fa'aalologia lona afio mai; ae na ti'eti'e mai i se asini, e lē masani ai i lea faiga. Ua vi'ia o le Tupu; ae o tamaiti o lo'o i le fatu o na vivi'iga. I Ierusalem o le a ia feagai ma ni faiga fa'atigā mai le 'autusi upu, o Farasaio i le 'au Satukaio, ua avatu ni tali ma le manatu e mailei ai o ia. Ae ona e leai ma nisi o ia vaega na fa'alogolelei – e le fa'alogolelei e pei o so'o – o nei atamai uma o le a ma'imau. O le Upu o le a noanoatia. Fa'aitiitia i se ua tau amata mai luga o le koluse. Ma, ina ua molia, o ma'a na alalaga mai, ua maluelue le 'ele'ele i le fa'ai'uga fa'ataulaga a le Atua.

Auā afai e faia nei mea i le la'au mata, se a se mea e fai i le la'au mago? (Luka 23: 31)

Ioe. E tatau ona tatou olaina le Vaiaso Pa'ia i tausaga ta'itasi e pei o se vaega ta'ua tele o o tatou taimi. Ae o le mea moni lava lenā. I lenei taimi maua luga tau i le Atua o lo'o tautala mai pea Iesu ia i tatou ina ia tatou lagonaina o ia ile pisapisaō o le fa'atauva o lo'o tauvala'au mai ina ia tatou 'au i lea vaega po'o le lē vaega. Ua na o le tasi le leo e tatau ona tatou lagonaina. O le leo e savalia le mea ua tautala ai: i le mamafa o le koluse, ma le tauave i lona tino o sasa ua fa'ao'o atu e latou e fiafia e fa'atino le sasa.

Aiseā i lenei fa'aletonu ona tatau ona fai? Aiseā e fa'atigaina ai le moni? O Sagata Therese o Lisieux, o le o lo'o tapua'i i ai le Pope sa tele lona tapua'i na fa'aaopopo mai lenei mau ina ua ia filifilia igoa e lua: O le Tamaitiiti o Iesu ma Foliga Pa'ia". E i ai le mafua'aga na filifilia ai e Iesu e tau'ave le natura fa'atagata i ona taimi vāivai, a o pepe, ma taimi ua ave ai ma tagata matua puapuagatia ma fa'asolosolo ona malepepe a o aga'i atu i le maliu. O lona vāivai lea na va'aia lelei i le taimi o aso Pa'ai e Tolu o le

Vaiaso Pa'ia, ua tatou maua ai le mana moni a le Atua. O le mana ua to'ilalo ai mea uma e o'o lava i galuega a le tiapolo, e pei ona fa'amanatu mai e le pese:

O lē fa'aososo ua se'etia
E se atamai ua loloto tele.
O fofō ma fale'efu ua fetau,
O faiga e fa'alelei ai ma faiga e fa'auma ai

Pe o aogā pea lenei atamai i nei aso? Afai tatou te talitonu i mea na tutupu i le Vaiaso Pa'ia, e tatau ona i ai so tatou fa'atuatua e mafai. E le mafai ona e fa'afetaui le tiapolo i le tiapolo. O lona atigi malō e pei o le tua o le laumei ua na o se meata e le'i mafaufauina e mafai ona ati ai. Ma o lenā meata o le alofa fai taulaga. Ina ua faia e Sagata Teresa se taulaga o ia lava i le Agalofa Mamana, sa ia iloaina le mea ua ia faia. O le fa'amasino e le lava lea. O le misa i upu e lē fa'alelei ai se mea. E o'o lava i le faimeatonu Mamana e le ufiufia ai mea uma, ona ua fa'amatala ai na o se vaega o le mana a le Atua. Afai o le Atua ua na o se fai mea tonu, se manū e mafai e Iesu ona sau i lalo mai le koluse, a o tauemu atu latou sa fa'asauna o ia. Ona o lenei lalolagi e mo'o-mo'o i le amiolētonu, e leai se mea e sili atu i le fa'asauna ma le fasiotia o le tagata e to'atasi e le'i agasala; e le'i fa'aopopo se mea fa'anoanoa i le tala fa'asolopito o le ita-gia ma le fa'atupu fa'alavelave.

Alofa Mutimutivale: O le alofa mutimutivale o se mea e lē mafai e le tevelo ona talia, ona e le ola i lona lava ia natura. Alofa mutimutivale o le malosi'aga e mafai ona suia. A manatu i le alofa mutimutivale na fa'aalia e Epikopo Myriel ia Jean Valjean i le *Les Misérables*, na valo'ia lona liliuga i le agaga e tasi e pei o Keriso na liliu atu i le gaio na salamō. *O le asō ta te fa'atasi ai Parataiso. O le Asō.* O le taofi fa'asamasamanoa o le tua'oi o le taimi na fa'alegaina e le Upu lava ia, tautau mai i mata o le oti, le paganoa na si'o-si'omia ai o ia, o fa'amoemoea uma ua leai lea. *Le Tamā e, fa'amagalo ia i latou, ona latou te lē iloaina le mea ua latou faia.*

Ia fa'afulale mai lenei faiga o le alofa mutimutivale i lou loto, ona lavea'ia ai lea o 'oe. Ona o Keriso o le a toetū i totonu ia te 'oe, o le a le tu'ua o ia i lalo. O le a e tautala i le leo a le so'o.

I vaiaso fa'ai'u o le Eseta ua ola ai le Ekalesia i se fa'apao-loga umi ma le susulu malamalama o le Toetū. O fa'amatalaga a molimau uiga 'ese o le feiloa'iga a so'o ma le Ali'i Toetū ua tele ona fa'atalitonu ona o lo latou uiga 'ese, ma le faiga fa'amaniti tino e le foliga mai e fetau. Ua sau lo tatou Ali'i ma toe alu, ua fa'aali mai o ia i taimi e lē o fuafuaina e nisi po'o latou uma fo'i. E savali e ala mai i faitoto'a e ui o la e tapunipuni ma loka, ae fa'avela ma 'ai i i'a. ua ia manumalō i le oti, ae o ona lima ma lona itū o lo'o va'aia pea manu'a na latou fa'ao'o ia te ia i le aso o lona

pasio. Sa ia vala'auina nisi e pa'i atu i ai, o nisi sa ia lapa-ta'ia e 'aua.

O lo'o nofo nei o ia i se sa'olotoga atoa ma le malosi. Ua leai ni ona muta'aga vaganā taimi ua ia filifilia ina ia fa'aalia o ia lava, ma ua ia fa'aalia o ia lava mo le fa'amafanafana ma a'oa'o atu. Ua le toe mana'omia ona ia faia ni vavega: o ia lava o se vavega o lo'o fealua'i. O le taimi nei mo le 'au so'o e faia vavega, fa'amalolo o e mama'i ma fa'aola le 'au maliliu, ma ua tatou va'aia ia mea ua latou faia mai le Tusi a Galuega.

E leai se fa'atuatuga Kerisiano i aso nei pe ana lē toetū mai Iesu Keriso mai le oti, ma i le toetū mai ua ia fa'amaonia lona mamana e aunoa ma se masalosalo. O le ala i le finala o le Atua – le Tasitolu – o lo'o matala lea mo le taimi muamua ile tala fa'asolopito. O le 'auala lea o lo'o tatou i ai nei, le lē mautinoa ma le masalosalo ae a tonu e faia pea i se taimi. Pau le mea tatou te mana'omia i le 'auala ole tatalo. E tatau ona tatou tatalo i aso uma, manatuaina le Atua, a tatou fa'asaga atu iā te ia, ia fa'aauau pea ona tatou talia le ola ma le malosi o lo'o mana'o e foa'i mai iā i tatou. O le Eukalisitia sa ia tu'uina mai e lē na o se "fa'amanatuga." O le sakalameta ua i ai le Tino, Agaga ma le Mamana o lo tatou Ali'i, ua natia i le va'aiga ua mafai ai iā i tatou e lē gata i le to'atutuli i ona luma, e pei ona tatou faia iā tatou tapua'iga, ae ia ave a o ia ma le fa'apelepele i

totonu o tatou tino ma fa'aulufale e pei ona fa'aulufale mai se tagata fia 'ai i se aiga. O se meaalofa uiga 'ese ae moni, o se meaalofa ua fa'aailoa ai lo tatou tino tagata, ma o lo'o tautala mai iā i tatou i se gagana e o'o lava i se tamaitiiti e malamalama ile fa'anaunau o le Atua e fa'alatalata mai iā i tatou.

Ua toetū o ia ma ua afio i le lagi, ae e ui lava olo'o i le lagi e sau pea lava iā i tatou i le Eukalisitia, fa'atauanau i tatou ina ia faia i o tatou agaga mea o lo'o tatou faia i o tatou gutu: fa'aulufale, ta'uta'u atu, ma vivi'i.

O LE ALA I EMAU

Na fa'ali mālie mai e Iesu o ia lava i so'o sa savali i le ala aga'i atu i Emau, ma fa'aailoa aloa'ia o ia lava i ana tāga ma gaioga. O le fa'aauau mālie mai ole fa'aaliga ua talafeagai lea mo a tatou fo'i faigamalaga. O le vaega atoa ua va'aia o se fa'ata'ita'iga o la tatou faigamalaga fa'aleagaga.

Tatou te malaga fa'atasi, ma Keriso ma isi, e masani e talatalanoa, pe lē mautonu fo'i, e lē mailoa po'o le ā le uiga o ia mea uma, ae naunauta'i, latou ua alolofa iā Iesu. O lo'o o i ai pea Iesu ma i tatou, fa'amumū o tatou loto i le alofa o lo'o olaola e lē mate i lona fo'i loto, e ui o ni popolega o le a tatou le fa'atuatuaina atoatoa o le a i ai se mea maoa'e e moni. Ua aveina i tatou e pei ona tatou i ai nei, i ni tulaga fa'apuapugatia, fesiligia i tatou, ma aumai i luma mafua'aga moni o o tatou fa'anoanoaga, ma ta'ita'i i tatou aga'i atu i le malamalama ma le fiafia.

E pei o le 'au faimalaga i le ala i Emau, o o tatou fa'anoanoaga atonu ona o fa'amoemoega e le'i taunu'u, ma le mata'u i le taufa'asesē. O o tatou mata, e pei ona tatou mafaufau atu i ai, ua tatala ona toe fa'afuase'ia lea ona tapunia e pei oni pupuni. Ae o le Tasi sa savali ma i tatou i le ala ua toe aumaia i tatou i le malamalama'aga po'o le lagona na amata atu ai, fa'asino iā i tatou na tonu i tatou i le taimi muamua, ae mana'omia le iloa o mea i ni mata fou, ina ia se'e malie i tua o malamalama'aga na fuafua e maua ai le moni sa latou taumafai e fa'aalia. Fai mai se tasi o tusi tala:

"O le a'afiaga muamua lenei o le Toetū; sa ave le tagata i lona atoaga ma amata le tulaga o lo'o i ai nei le tagata, ma fa'aali mai le tulaga tonu o le tagata. O lo'o i ai pea le koluse ae fa'afetaia ona o le malamalamaina o le Tusi Pa'ia na ia avatu iā i latou, ua susulu le koluse i le mamalu

o le Agaga. O le Toetū ua aumaia le fiafia, ae ui ua fa'atasi ma i latou, a ua latou le iloaina o ia lea. Ua na ona toe fa'afo'ia maia le fa'amoemoega, fa'ate'ia le olioli, fafagu le mana'ona'o: Tumau ma i tatou"

Ae o Toma, na malie le Ali'i i le tatalo ae ina ua fa'ataunu'u, e mafai ona ia a'oa'o iā i latou o lona i ai fa'alitino e lē toe ta'ua lea. Ua mafai ona latou ola e pei ona masani ai i le Agaga, pe a malosi le fa'atuatua. Ina ua maitauina o ia ile tofitofiina o le falaoa, na mou atu vave o ia. Na mafua ai e pei ona fai mai se tasi, "o le isi suiga iā i latou... i le fa'atasi ai fa'alitino i le fa'atasi ai moni, o le Agaga lenā, ua ave ai tagata ma totonu i isi tagata i le alofa."

O le a'afiaga o Emau ma mea na mulimuli mai ai ua fa'aali mai ai e i ai pea se vaega tau ekalesia po'o se fa'apotopotoga i le ola a'i i le Taimi Nei. Ua fa'amatalaina o tagata po'o ni fa'apotopotoga na fa'aali i ai Iesu ua manatu *ua na o latou* na o'o i ai nei a'afiaga, ma fa'atopetope atu e tala'i atu i isi. O le 'au faimalaga i Emau e to'alua na fo'i i Ierusalem e sa'ili o la uso, ma maua atu ua latou iloaina. Ua fa'amaopopo se fa'apotopotoga, "O Keriso ua i totonu o le Ekalesia."

E MAUA LENEI FA'AUPUGA "O KERISO O LE PAPA" I TOTONU O LE TUSI PAIA?

**(Tusia e Patele Anthony Giambrone, O.P o se faifeau Tomenikana ma o se polofesa o le Feagaiga Fou i le Ecole Biblique de Jerusalem) -----
Fa'aliliuina Falefou Sio**

E lē masani i le faitauina o le Tusi Paia ona i ai se poto masani e mua'i iloa ai. E fa'alua ona fa'anefu Apera'amo, ma vala'au atu i lana avā o Sara lona tuafafine, o Iesu na ia fafaga fa'alua fa'avavega le motu o tagata. E fa'aigoa e le au su'esu'e o le Tusi Paia lea tala o le "fa'aluaina," ma o fa'amatalaga o a latou su'esu'ega e eseese uma.

I le tala umi o le esoto a Isaraelu mai Aikupito o se tasi o popolega itulua iloga na tusia e Mose i le vai na tafe mai le

E MAUA LENEI FA'AUPUGA "O KERISO O LE PAPA" I TOTONU O LE TUSI PAIA?

papa, o lo'o maua i le Esoto 17:1-7 ma le Numera 20:7-11. E o'o lava i tagata atamamai i onapo nei latou te fa'asino ia tala fa'auputu'u e lua i ni tusitala esecese se lua (o le "JE" ma le punaoa "P"), e tofu i laua ma fa'amatalaga o le mea lava lea e tasi, o tagata fa'aliliu-upu a Iutaia anamua na esecese a latou fa'ai'uga: o le papa muamua e maua i le Tusi o Esoto lea na mulimuli atu i le malaga a le fanauga a Isaraelu i le toafa ma e esecese mai i se tulaga na toe feiloai ai i le tusi a Numera.

O lenei manatu, e manino, o lo'o tu i tua o fa'amatalaga e masani 'a'i Sagato Paulo, e uiga i se papa faimalaga fa'aleagaga i le 1 Korinito 10:1-4, i lona lua o faitauga i lenei Aso Sa: *[O] tatou tamā na taialaina e se ao i o latou luga, ma pe fa'apefea ona latou sopo 'ia le sami. Na papatisoina uma ia Mose i le ao ma le sami; ma a'ai uma i le mea e 'ai e tasi fa'aleagaga ma feinu uma i le papa e tasi fa'aleagaga lea na mulimuli ia i latou a'o malaga, ma o lena papa o Keriso.*

O le mea moni, o Sagato Paulo, e tele mea na ia faia i'inei nai lo na'o le vala'auina o se tagata e fa'aliliua aganu'u anamua. O lo'o ia fa'aioaina lenei papa fa'atasi ma Keriso, ma suia ai tu ma aga masani i 'a'a o le vavau. O le a le mea tonu o lo'o ia taumafai e fai? O se manatu e sau mai le tele o fa'amatalaga i le mataupu lea o le Muamua Korinito e o'o i le Pese a Mose i le Teuteronome (32: 1-43), lea e masani ona vala'auina le Alii e pei o le Papa, i le tulaga o ana sauniuniga mo Isaraelu i le toāfa. O le mafua'aga lea e toe alia'i mai ai i le tele o Salamo. Salamo 78 e sili ona mamafa:

Na ia taia le papa i le toafa. Ua ia avatu iā i latou le tele o meainu E mafai ona ia aumaia ni falaoa ma tatou? E mafai ona ia saunia ni aano o manu mo ona tagata? ... Na ia fa'atō le manai mo a latou mea'ai, ma ia avatua foi ia te i latou o areto mai le lagi. Na'o alii na 'a'ai

i areto a agelu O le a latou manatua pea o le Atua o lo latou papa, o le Atua Silisili Ese o lo latou togiola.

I se va'aiga i ia Tusitusiga Paia, o upu a Sagato Paulo e manino ai ma maua ai se malosi fou. Muamua lava, i le fetau lelei o le vai mai le papa ma le manai fa'alelagi, e mafai ona ia fa'aaogā le fa'atali ma le fa'amaoni, ma le uiga fa'alelagi o mea'ai a Isaraelu. Ua ia taufa'a-ataata, ioe, le ituaiga Eukalesitia, lea, e pei o le papa ma le manai, e o fa'atasi ma mulimuli ia i tatou i la tatou faigamalaga - e le pei o le papatisoga, e tasi le taimi e tupu ai, e pei o le ui atu i le Sami Ulaula. O le mea lea e patino ai le taua tele o lenei papa e mulimuli ia i tatou e pei o se ta'ifau tuli manu fa'amaoni.

O lena le tulaga mausalī o le afio-fa'aAtua na pa'i atu i le mataupu lona lua: *O le Atua o lo latou papa ma o le papa o Keriso.* I le fa'aigoaina o le Atua o le Papa, o le punavai mamaluāli'i tumau o le soifuaga ma faamanuiaga o Isaraelu, ua saunia e le Feagaiga Tuai ia Sagato Paulo e faia se tautinoga ofoofogia, e ala i le tautinoga sili le sogasogā e fia iloa. E pei o le Papa, o Keriso Iesu o ia lava o le Alii o Isaraelu, o le mua'i Togiola mamana, o lo'o afio i le mea'ai ma le meainu i le Eukalesitia.

FA'AMANATUINA LE ASO SA O LE PALĒMA I SE TALA O LE PASIO MAI IĀ MATAIO.



[O leo tatou te fa'alogō i ai i le faitauina o le Pasio i taimi o le Vaiaaso Sa Sili, e mafai ona fa'aleleia ai sauniga, ae o lo'o i ai foi ma ni avanoa e sasi ai ma taumafai e 'alo'ese mai ai, pei ona tusia e Thomas O'Loughlin, o se Polōfesa o Talafa'asolopito o le Telosia i le Iunivesite o Nottingham.]....Fa'aliliuina Falefou Sio

E fa'alua i tausaga taitasi ona faitauina le evagelia ua avea ma sauniga va'aia o le mea na tupu i lona lava aiā tatau moni: o faitauga i le Aso Sa o le Palēma ma le Aso Faraile Paia. Ua lagā se manatu ona e mafua mai i le fa'atinoga-fa'atala o ia faitauga, fa'atasi ai ma le tele o leo e mafai ona suitulaga ai le leo tūtasi o le tiakono/patele. Ae peita'i o le tele o palisi, ua lē gata ina misi ai le avanoa e faia ai se mea e fa'aleleia ai le sauniga atoa, ae ua avea ma se fa'amoemoe lē taulau o feso'o-taiga lelei. O se mea itiiti lava e mafai ona avea ma leo fa'anunumi i le fa'asologa, pei o le misi-o-laina, pe memu lē mau-tonu foi ('O ai e ona le laina lea?' 'O ai e ona le leo lea e tatau ona ou fa'aleōa?'). O le mea e sili ona leaga, e mafai ona momoli atu ai ni fa'aailoga natia i le fa'apotopotoga e uiga i le auala latou te va'ava'ai ai i le Pasio, i tagata Iutaia, ma le aumautofi o le upu folafola.

Auai i le...

O le tū masani o fa'atulagaga e fa'aaogaina ai leo esecese i le faitauga o le Pasio, e tele mea e fautuaina ai: o se faiga e lē masani ai ua avea ai lenei faitauga pei e tulaga'ese; ma tu'uina atu ai i le Pasio i le Aso Sa o le Palēma le Aso Sa e sili ona umi lona faitauga o le tausaga; o le tele o leo e faigofie ai ona mu-

FA'AMANATUINA LE ASO SA O LE PALĒMA I SE TALA O LE PASIO MAI IĀ MATAIO.

limuli i le tala ma e tau leai ni leo toatasi. Ae peitai; o nisi nei o mea e tatau ona maitauina pe a faitauina i lenei faiga. Muamua, afai ae saunia ni tama'itusi e 'mulimuli' ai tagata, o le a latou lē fa'alogo, ae ua maua i le afa-faitau/afa-fa'alogo, o fa'alētonu ia o nei faiga e lua, ma ua leai ai se aogā fa'apitoa o ia gaioiga: E tatau ona tatou tufaina ni lomiga i pepa ona fa'alologo uma lea i le tala atoa: o le fa'alogo i tala paia o se gaioiga amata lea o le fa'atinoga o le sauniga. A leai ni tama'itusi e i ai foi mea e lelei ai. Muamua, o le a lē fa'alavelave ai le pa'ō o le susu'eina o itulau; ma lona lua, o le a lē mata'itū ai le fa'apopotoga i a latou 'vaega' e fai pe a o' o i o latou taimi, ma o le a lē gata i se alaga manino 'Fa'asatauro ia te ia! Fa'asatauro ia te ia,' o le a maua i le so'ona leotetele ma ua na o le vavaō lava. O le vaega a le 'motu o tagata' e sili ona lelei pe a fa'atino e se aufaipese fa'apitoa, e mafai ona oso o le taimi sa'o ma o fa'atasi.

O lenei manatu, atonu o le a āgiagia i foliga o le mana'ota'uleleia ia auai tagata i totonu o le suaniga o le upu: ua avatu ai i le fa'apopotoga se manatu e foliga mai e tatau ona latou auai i le fa'atinoga o se mea; peita'i; a tu'uina atu i tagata uma se mea e fai o lona uiga ua konaseti, pe afai ae fa'aaogaina lea faiga i nei faitauga o le a lē mafai ona nofofale vaega taūa na tupu. A fa'amatalaina se tala, o se filo fa'asolo o gaioiga, lea e fa'a'ailoa ai e le tasi vaega le tala i le isi itu o le kulupu o lo'o fa'atino le fa'apopotoga: o le auai o le fa'apopotoga, ia latou fa'alogo ma avea o se fa'apopotoga mo le tala. O aganu'u fa'aletagata e tilotilo i tala paia ma fa'asologa o tala fa'a-fa'agogo ma faia i ai se fa'atatau i le eseese o le va o 'tagata e fa'atino se tala' (fa'amatala) ma ē ua uma ona latou iloa le tala (fa'alologo) e mafua mai i lo latou auai i le fa'amalaulaūga o nei mea paia na tutupu.

i latou uma e te'ena ma le lotomalie le mea moni. Ina ua offi mai le tele-o-leo e faitauina ai le Pasio i totonu o sauniga, ua matilatila mai ai le filifilia o le upu *sunako* mo vaega uma e fa'atino. Ua tatou aveesea nei faiga fa'a-Semiti-fa'atu'iese mai a tatou tofātālā'i ma tala'iga, ma le liuliūga i tagata 'Iutaia taufa'alata' atonu ua nimo atu foi mai tatalo o le Aso Faraile Paia, ae mafai pe a tatou fa'aaogaina na o seisi leo se tasi e lua ma Keriso, ona tatou momoli atu lea o se feau i lea leo e fa'afesaga'i ma Keriso, ma tumau ai le iloilo o le Pasio lea na te'ena aloaia e le Vatikano II. O le fa'aupuga 'o *Iutaia na fa'asatauroina Keriso*' e lē taliaina e le fa'a-telosia, ma ua tatau ai ona tatou mataāla i le avatu o feau lē-manino i totonu o sauniga ua pei ai le Pasio o 'tagata lelei e fa'afesaga'i ma tagata leaga.'

Leo tamaita'i

O se tasi lenei o atina'e i faiga fa'apolokiki e le'i maua lava sona tulaga atoatoa ona e mafua mai i le tele o manatu fa'ale-sauniga e fa'apea, 'filifili o tatou sui.' I atunu'u e pei ona masani ai, e lē o toe fa'apea - pe tatou te taliaina - 'ae ua latou taeafai' oe ma sou manatu.' O le fa'aleoina o i latou e leai ni leo, ua iloina nei o se aga ua tonu, a'o le fa'alafi o leo o se faiga pepelo ma le sēsē - ma i le Ekalesia Katoliko e masani ona avea o se nofosala. O lenei suiga o le aganu'u e i ai ona a'afiaga mo sauniga.

E talisapaia 'le tatau ona lagona uma leo taitasi' ma e tatau foi ona fa'atagaina le filifilia o nisi e suia o latou leo. O le mea lea e fia fa'ataūa, o le fa'atusatusaga o le fa'aaogāina o 'leo:' e tatau i so'o se vaega ona i ai o latou 'leo,' o 'leo' patino taitasi e tatau ona lagonaina, e leai se 'leo' e ese mai i leo o le a lagonaina i le Pasio, lea e tatau ai lava ona fa'asa'o ia leo-alii ma leo-tamaitai ta'itasi ma ia tatau foi ona mālū. Afai o se vaega moni lea o lo tatou olaga - ma o lea lava - o le a le feau tatou te momoli atua pe a fa'aleo e ali'i ia leo o tamaitai i le evagelia i lenei faitauga? O le mea lava e tasi pe a faitauina le tala i se leo e tasi, ona faigata lea ona lagona se eseese o leo: e moni lava o le leotasi e avea ma leo o le tagata-fa'amatala, ae o fa'amatalaga tu'usa'o ua fa'aleo fa'aupusi'i. O se isi mea e tupu, pe a avea le tagata-fa'amatala ma se tagataese, ma ua faitau ai le faitauga i ni leo fefiloi: a fa'aleo e tamaitai leo o ali'i, po'o leo foi o ali'i e suia e tamaitai, ona momoli atu lea o se fe'au fa'alepulega o feusua'iga. Afai ae patino leo eseese e lagonaina i le Pasio, ona tatau lea ona ave sa'o leo o ali'i i ali'i fa'apena foi tamaitai i tamaitai.

E ono ulagia e se tasi lenei manatu e tatau ona tutusa le leo o le fa'amatala ma le tagata e ona upu o lo'o faitauina, ina ia fa'aitiitia ai manatu vaivai fa'apea: afai e tatau i se tamaitai ona faitau se vaega a tamaitai, ona tatau foi lea i le fitafita ona faitau le vaega a fitafita, po'o Kalilaia mo Kalilaia. Ae ui i lea, o lenei mimiloga ua misia atoa ai le agaga o le sauniga o Tusitusiga Paia. Tatou te faitau le tusi ina ia tatou maua mai ai le aganu'u; tatou te lē taumafai e toe fausia se isi talafa'asolopito. O sauniga fa'alelotu o le fa'avae lea o malamalama'aga i sauniga o le Misasa (*namnesis*) ae lē o se mea! Afai tatou te filifili e fa'atino le Pasio, po o se isi lava tusitusiga (e pei o le Hamlet) ona tatou manaomia lea o i latou e mafai ona toe fa'apupula le faitauga mo i tatou i leo: tatou te mana'omia se leo tama mo Peteru; ma se leo tamaitai mo Maria Matalena. Tatou te lē toe fa'aaogaina ni tama e faia vaega a tamaitai i le Shakespare. Pe a faitauina e faifeau e to'atolu le Pasio, pe o se tama tane foi e faitauina vaega a tamaitai i totonu o le faitauga, ua tatou fa'alafia le leo tama'ita'i i totonu o le

E tolu leo?

I totonu o tusi-sauniga o le Pasio, o lo'o fa'aalia ai le tolu o leo: Fa'amatala, Iesu, o Isi, ma le Motu o tagata. Ua na o se tama'i teuteuga lava i le faiga tuai lea o le tolu-leo: o le *Keriso*, *Sunako*, ma le *Fa'amatala*. O lea faiga, o se measina i sauniga o le Misasa Sili fa'a-Torento (*Tridentine High Mass liturgy*) o le patele, tiakono, ma le sui-tiakono e na o le pau ia o le au-faitau. O mulimulita'iga i nei leo e tolu, e aveesea ai popolega mamafa fa'aletulafono o sauniga tu'ulafoa'i i nei vaitaimi, ua leai se aogā: i se vaitausaga a le afa'asālalau popoto, na fa'apea ai e tatau ona tele ni leo e pei o tagata o lo'o ta'ua i totonu o se tala - manatua le leitiō fasimoli e pei O Le Fulu'aū (*The Arches*) lea na o le tolu leo e pei ona i ai, e le'i fuafuaina, ae o se fe'au fa'alētonu na latou momoli atua i le fa'apopotoga: ina ua nini fa'atasi 'ma isi leo' (pei o le *sunako*) ma ua fa'avae i luga o se talitonuga fa'a-telosia anamua i le Pasio o Keriso ina ua fa'afesaga'i ma tagata Iutaia (ua fa'atusa pei o sunako.) O lenei mea, o le Keriso o lo'o fa'a'ailoa e pei o se tagata mafatia ona o le sunako, a'o le tagata fa'amatala o se tagata-maitau e lē fa'aituau: O mea uma lava e feso'ota'i atu i ona puapuagā ma lona maluu ua tu'ufa'atasia ma fa'ataoto i lalo o vae o tagata Iutaia.

Faiga Fa'a-Semiti fa'atu'iese

O lea faiga, ua mafai ona atagia ai se vaega o lo'o mafola i lalo o le manatu 'tolu-leo' i le faitauina o le Pasio, ae leai ma se uiga e fai ai se leo o le '*sunako*.' O le upu '*sunako*' e ponā lona fa'aleōga i le aganu'u Latina: i su'esu'ega auili'ili o tusitusiga paia ma tala'iga i Vaitausaga Lotolotōi (*Middle Ages*) na fa'aaogāina ai le upu '*sunako*' e fa'aigoa ai uma faiga tete'e aga'i i le fa'a-Kerisiano, fa'apena foi ma

FA'AMANATUINA LE ASO SA O LE PALĒMA I SE TALA O LE PASIO MAI IĀ MATAIO.

sauniga, ma momoli atu ai se feau i le va-o-upu: o leo o tamaitai e lē o moni le lesitaraina i totonu o le evagelia pei ona tatou malamalama i ai. Po'o le fa'aupuga sa'o: 'e leai se leo o tamaitai i le evagelia.'

O le tulaga o le Ta'ita'i

O le toatele o faifeau - e mafai pe a i ai se tiakono - e talitonu o le leo o Iesu o lo'o fa'aagaga mo i latou; ae ui i lea, e lē o le tulaga lea sa i ai talu mai le 1970. I lea mataupu ua fa'amauiina i le taimi nei, 'o le vaega a Keriso ua fa'aagaga lea mo patele.' O lenei fa'atagaga e tatau ona atoatoa lona fa'ataunu'uina: ae tu'u le Pasio e faitau ato e se vaega ua uma ona tāpena e fa'atinoa lenei matātā fa'apitoa, ae ia tu'u atu i le ta'ita'i o le sauniga - atonu o ia lea na faitauina le evagelia o le fa'aulufale i le Aso Sa o le Palēma. Pe a o'o i le taimi o patele, ona momoli atu lea o le feau o ia lea 'o le faitau autū, ma se tasi e fa'aleoleo mo le aso tele. Pe ua fetui ea lenei feau ma le Luka 22: 24-27? E le gata i lea, ua laei le ositaulaga o le ta'ita'i, ua manino ai le eseese o le va'ai i le tala, ma tele sona eseese o le va o ana upu ma le tala ato, fa'apea ai le foia o ni fa'afitauli. Ua mafai ai ona toe fa'apupula le ata tuai o Iesu ma ona togisala.

O se manatu fa'aiu, e i ai le mafua'aga e ala ai ona tū le ta'ita'i o le sauniga i autafa. Talu ai ona o le tele o taimi na'o le toatasi le 'failotu paia' o nei sauniga, o le toatele o patele ua ova atu lo latou pisi i le Vaiaso-Sā-Sili. O le fa'ateteleina o galuega, o lona uiga e masani ona lē lava saunia lelei ai le sauniga, fa'atasi ai ma se alofāga moni ua lē lava le taimi e tapena uma ai ia lelei. O le tapenaga o le

Pasio ina ia lelei le faitauina i le tele o leo, e fa'aalu taimi ma e mana'omia le fa'aeteete i taimi o fa'ata'ita'iga; e tatau ona tu'uina atu i nisi o lo'o maua lo latou taimi e sauniuni ai ma le fa'aeteete, ona fa'apea ane lea, ua malieō le fa'atautaiga o le tula o tala fa'a-evagelia uma fa'aletausaga fa'apea foi ma le tausiga e tatau i ai.

A mafai e se tasi ona faia ni leo e momoli ai lenei faitauga o se mea na tupu, e mafai foi ona fa'aogaina ni nofoaga - o le sauniga o le mua'i 'fale mata'aga i le fa'asologa' - ae o lea mea, e fa'alagolago i foliga o le fale, na'o tagata foi ei lea nofoaga e mafai ona fa'alauiloaina. Ae a mafaufau i le tala e tusāi ma le nofoaga ma fa'atinoga, e mafai ona avea ma avanoa o se fa'afotu moni fa'alotoifale.

'IA VI'IA OE' (LAUDATO SI - Pope Falanisisi)



VI. TAUNU'UGA MASANI O OLOA

93. Talitonu pe lē talitonu foi, ua tatou malilie i le asō o le lalolagi o so tatou tofi fa'asoa, lona uiga, o ona fua ia manuia ai tagata uma lava. Mo e talitonu, ua avea lenei mea ua fesiligia ai le fa'amaoni i le Atua Foafua, talu mai le foafoaina e le Atua o le lalolagi mo tagata uma. O le mea lea e mana'omia ai e so'o se fa'atofāla'iga o le siosiomaga ia tu'ufa'atasia se manatu lautele e lufilufia aiā tatau a ē matitiva ma ē lima vaivai. O le mataupu fa'avae i le vae-vae o meatotino tuma'oti ina ia taunu'u oloa mo le lautele, ma e aiā tagata uma i lona fa'aaogaina, o se tulafono fa'auro o amioga fa'a-agafeso'ota'i ma "o le ulua'i mataupu fa'avae autū lea o le poloaiga ato o aga-i-fanua ma agafeso'ota'i." I le aganu'u fa'a-Kerisiano e lē aloaia se aiā tatau i meatotino tuma'oti e avea ma mea

mautinoa a'ia'i pe sāa'itapu ma ua fa'amamafa ai le fa'apogai lautele o so'o se ituaiga o meatotino tuma'oti. O Sagato Ioane Paulo II na toe fa'amautūina ma le malosi lenei a'oa'oga, na ia fa'apea ai "Na tu'uina mai e le Atua le lalolagi i tagata ola uma ina ia latou tauti i so'o se tagata, e aunoa ma le toso pe afisi foi i so'o se tasi." O ia upu e malolosi tele. Na ia ta'ua e fa'apea "o se ituaiga atina'e e lē amanaiaina ma si'itia ai aiā tatau a le tagata - patino i le tagata ma agafeso'otai, tamaoiga ma faiga fa'aupufai, e aofia ai aiā tatau a malō ma tagata - o le a lē agava'a lea mo le tagata." Na ia fa'amalamalama manino mai e fa'apea "e moni e puipua e le Ekalesia tusāi ma tu'utu'uga o aiā tatau i le meatotino tuma'oti, ae na te a'oa'oina foi e leai se mea o manino mai e i ai se mokesi lautele i luga o meatotino tuma'oti, ina ia mafai ai e oloa ona auauna atu i le fa'amocmoega lautele pei ona tu'uina atu e le Atua iā i latou." O le mea lea, sa ia tumau pea, "e lē ōgatasi ma le fuafuaga a le Atua e fa'aaogaina lenei meaalofa i se auala e na o ni nai tagata e selesele ai." O lenei mea e matuā ogaoga ma fesiligia ai amiogalētonu o nisi vaega o tagata.

94. O le mauoa ma le mativa e tutusa tamāali'iaga, auā "o le Ali'i na faia i latou uma" (Fa'ataoto 22: 2). "Na faia foi e ia mea iti ma mea malolosi" (Wis. 6: 7), ma "na te fa'aoso le la i e ua amio leaga ato ma e ua amiotonu" (Mt 5:45). E i ai ona taunu'uga fa'atino, e pei ona ta'ua e epikopo o Paraguay: "So'o se fa'i-fa'atoaga e i ai le aiā tatau masani e

'IA VI'IA OE—(LAUDATO SI—Pope Faranisisi)

maua ai se tufatufaga talafeagai o fanua e mafai ona fausia ai sona fale, galue ai mo le tausiga o lona aiga ma se olaga saogalemu. O lea aiā tatau e tatau ona fa'amaonia ina ia mafai ai ona moni lona fa'atinoga ae lē o le fa'aoleole. O lona uiga mai le itu o le umia o mea totino, e tatau i tagata maotua ona maua le avanoa i a'oa'oga o tomāi fa'apitōa, nonogatupe, inisiua, ma maketi."

a'aga lea na fesiligia ai e epikopo a Niu Sila pe o le a le uiga o le poloaiga "Aua e te fasioti tagata" pe a fuafua "i le luasefulu pasene o le faitau aofa'i o le lalolagi e fa'aaogaina punāoa i se fua fa'atatau e fa'oa ai malo matitiva ma augatupulaga o le lumana'i i mea manaomia latou te e ola ai."

----- e fa'aauau pea ----- *Fa'aliliuina Falefou Sio*

95. O le natura o le siosiomaga o se tu'ufa'atasiga o oloa, o meatotino a tagataola uma ma o le matafaioi a so'o se tagataola. Afai tatou te faia se mea mo i tatou lava, e na o le tautūina mo le lelei o mea uma. Afai tatou te lē faia, o le a fai ma avēga mamafa i o tatou lotofuatiaifō fa'atasi ai ma le mamafa o le tete'eina o le soifua o isi tagataola. O le mafu-

LAUGAINA O LE EVAGELIA A LUKA

(Si'itia mai tusitusiga a le alii Faife'au o Gerald O'Collins SJ, – Fa'aliliuina e Lauano.ILAOA (Luka 5.17-26)

Fa'afeagai ma le mea moni

(Luka 4.16-30)

E iai taimi, e mumusu ai tagata e fa'amanatu atu ia latou le mea moni. Ae o le mea tonu a le nā, ua fai e Iesu i le Talalelei o le asō. O lo'o ia fa'amanatu i tagata o Nasareta le mea moni, po o ni mea moni se lua. O le vaitaimi o se oge tele, sa tausia ai e Elia se tagata'ese, o se fafine ua oti lana tane i le a'ai o Saitonu. A 'o Elisaiā le perofeta na suitulaga ia te ia, e na te le'i fa'amāmāina se lepela e tasi i totonu o Isaraelu, ae sa ia fa'amāmāina le tagata'ese mai Suria, e igoa ia Na'amanu.

Sa le'i manana'o tagata o Nasareta, e toe fa'amanatu atu ia latou ia mea, e pei ona fa'amauiina iā latou tusitusiga pa'ia, o tu ma aga e fa'atatau i ni perofeta iloga se to'alua na fa'amanuiaina e le Atua ma maua ai se fesoasoani fa'apitōa mo se fafine fa'apaupau ma le Ta'ita'i'au Suria o Na'amanu.

Sa matuā 'ino'ino ma mumusu tagata o le nu'u o Iesu e fa'afeagai ma le mea moni e tusa o le alofa o le Atua i ni tagata'ese. Ole ita tele o i latou, na o'o ai 'ina taupulepule e fasioti ia Iesu.

O tatou o tagata soifua, e te'e tele ma feita, pe a fa'amanatu atu iai le mea moni ma le sa'o.

O lenei tala e matua moni lelei lava. O tatou tagata soifua, e te'e tele ma feita pe a fa'amanatu atu iai le mea moni ma le sa'o. Tatou tatalo ma sauni e talia le mea moni, e tusa po'o Iesu po'o se isi tagata na te fa'amanatu mai. Tatou tatalo ina ia lē aunoa ona tatou maua le lototele e fa'alogo ai i le mea moni, fa'afeagai ma le mea moni, ma gaiōi fuafua iai.

A 'o fa'asolo atu le tatou faigāmalaga i le senituri e luasefulu-male-tasi, ua feagai i tatou ma le tai fana'e i vaivaiga o le tagata e fa'avasega ai le 'ese'esega o le mea moni ma le mea sesē. O lenei tulaga fa'aletonu o le talitonuga o le tagata soifua i le mea moni, ua mana'omia vave ai le tatau ona tatou 'auai fa'atasi ma Iesu e fa'afeagai ai ma tulaga faigatā o le mea moni ma le mea sa'o.

O le o'o atu i le mea o afio ai Iesu

O le Evagelia i lenei aso, e tele taumafa ole mafaufau e maua mai ai, ma faigofie ai ona maua lagona ma manatu loloto e pei o le taimi e tatalo ai. E faigofie ona mafaufau ma o'otia lagona i alii e to'afa ia na o ane ma fai i le tagata pipili: "matou te mana'o e si'i lou moega ma ave 'oe i le mea o lo'o afio ai Iesu le Nasareta. Atonu o le a maua ai se fa'amalologa mo lou ma'i". E lē faigatā foi ona tatou mafaufau i le tali ane a le tagata pipili ia i latou nei. "Fa'afetai tele. Ou te talia ma le fa'afetai lenei galuega alofa ua outou faia mo a'u"

Ona fa'apea lea ona fai. O alii nei e to'afa, e to'alua i luma ma le to'alua i tua o le moega, ua latou tau'ave atu o ia i le alatele aga'i i le fale sa lauga ma a'oa'o ai Iesu. Peitai, e taunu'u atu ua matuā fa'atumulia le fale i tagata ma ua leai se avanoa e mafai ai ona latou 'ave le tagata ma'i ma lona moega i totonu.

Na latou tu'u i lalo lona moega ma talatalanoa, ona latou fai ane lea i le tagata pipili: "o le a matou 'ave lou moega ile tualuga ole fale, 'ave'ese ni 'apa ae tu'utu'u ifo i lalo i ni maea, ina ia e o'o i luma o Iesu". E mafai foi ona tatou manatunatu I se tali ane a le tagata pipili. "Se 'aua le faia na na mea. E leaga ai le tualuga o le fale ma mana'o ai lē ona le fale e toe totogi atu mea ole a fa'aleagaina. E faigofie foi ona tou fa'apa'u ifo a'u i lalo. Ia pe gau ifo foi i lalo le tualuga o le fale i le mamafa. Se 'aua le faia lena mea"

Peitai, sa le mafai ali'i nei e to'afa, ma ua tatou iloa uma foi le taunu'uga o lenei tala. Sa fa'amaloloina e Iesu le agaga o lenei tagata (.. 'ua fa'amagaloina au agasala') aemaise o lona tino (.. 'tu ia i luga ma savali'). O le tala faasolopito foi lenei o tatou. E mafai ona fa'apea o tatou alii nei e to'afa na o latou tau'ave le moega o le tagata pipili, ma sa naunau ina ia o'o atu le latou uo ma'i ia Iesu. E mafai foi ona fa'apea o tatou o le tagata pipili. E so'o se tasi o mea nei e lua, o le tualuga lava ma le fa'amoemoe autū, ina ia o'o atu i le mea o afio ai Iesu.

Fonoina o 'ofu ma le utuina o uaina

(Luka 5.36-38)

Sa tele ina fa'aaogāina e Iesu ata atoa ma ni tala fa'atusa i le taimi o a na lauga. O nisi o ia ata ma tala fa'atusa e mai

LAUGAINA O LE EVAGELIA A LUKA

Tusitusiga Pa'ia sa ia faitau ma fa'alogo iai. O salamo ma isi tusi o le vaega ua tatou fa'aigoaina nei o le Feagaiga Tuai (o le Tusi Pa'ia lea a Iesu), sa aofia ai tala i leoleo mamoe. O le tusi a Isaia Mataupu 5 o lo'o fa'aaogaina ai le ata o le tovine na totoina e le Atua. Sa masani foi le Alii o Iesu ona ia faia ni fa'aopoopoga ma feliuliua'i le fa'auigaina o nei ata. Sa ia faia ia teuteuga fa'atasi ma le fa'aaogaina ai o isi tala fa'atusa mai le Tusi Paia o leoleo mamoe atoa ma tovine.

Peitai, o nisi ata ma tala fa'atusa a le Alii o Iesu e fou ma e le o maua so latou tala'aga i totonu o le Tusi Pa'ia. O le tulaga le na, o le ata fa'atusa o le Talalelei o le aso, e uiga i le fonoa o se matua 'ofu ua masae ma le utufia o le uaina fou i fagu pa'u fou. O mea ia sa va'ai tino iai Iesu o faia e tagata i le taimi o lona soifua tuputupu a'e. O le tele o fe'au masani e pei o le fonoina o ofu masaesae ma le sa'ilia o le fagu pa'u talafeagai e utufia iai le uaina fou, o mea ia sa tautala ia te ia e uiga i le Atua atoa ai ma le tulafono a le Atua mo le lalolagi.

E mautinoa sa soifua le Alii o Iesu mo le lalolagi ma lona si'osi'omaga ma mea uma sa tutupu ma aliali mai i lona lalolagi. Sa ia maua le Atua i mea uma.

A 'o fa'asolosolo atu le tatou faigamalaga i le senituri e luasefulu-male-tasi, ua feagai i tatou ma le tai fana'e o vaivaiga o le tagata e fa'avasega ai le 'ese'esega o le mea moni ma le mea sesē

Tau ina ia o tatou mau tufa'aga i le na fuafuaga taua, o le tu'u avanoa i le Atua e saunoa mai ia tatou ile taimi nei, e auala i mea tetele ma mea laiti o lo'o tutupu i lo tatou lalolagi. Tau ina ia fa'apenā foi 'ona o tatou maua le Ali'i Le Atua i so'o se mea ma totonu o mea uma lava.

Alofa i totonu o le Ola (Luka 15.11-32)

O le Talalelei mo lenei aso, o le tala lea e uiga i le atali'i fa'amaumau 'oa, lea foi e mafai ona fa'apea, o le fa'aoto e uiga i le tamā alofa. O lenei fa'ata'oto e matua tamaoiga lona uiga loloto. E taua ona 'upu uma ta'itasi. Ae peita'i, e tasi le 'upu e le o aofia ai: o le 'upu lea o le 'alofa'

Ae peitai, a aunoa ma le alofa, e leai se uiga o lea fa'ata'oto. Mai lona amataga e o'o i le i'uga, o lenei tala, o se tala e uiga i le alofa fa'amagalo. Fai mai lenei tama, " o lo'u atali'i lenei na oti, a ua toe ola mai". O le atali'i la'ititi lenei, ua toe fa'atuina mai le oti fa'aleagaga, ona o le tele o le alofa fa'amagalo iai o lona tama. Ua toe ola mai lenei taule'ale'a ona o le alofa.

O le alofa e afua mai ai le ola i so'o se auala ma so'o se vaega. Tatou te ola ona ua alofaina i tatou. A aunoa ma le alofa, e leai se ola, leai se ola moni.

Tau ina ia fa'amaoni ato'ato'a lo tatou agaga fa'afetai 'ona o auala 'ese'ese sa alofaina ai i tatou ma tatou maua ai le ola. Ia tatou mafai foi ona alofa atu mo le fa'aolaina mai o isi tagata, aemaise o latou e leai se alofa i o latou olaga.

Fa'amamāina o lepele e to'a sefulu (Luka 17.11-19)

E to'a sefulu lepele na fa'amamāina e Iesu. A e sa ia fa'atino lea tulaga e auala i lona su'esu'eina o lo latou talitonuga i lona mana e fa'amamāina ai i latou. "Ina o ia, ma fa'aali atu outou i le au ositaulaga", o lana fetalaiga lea ia i latou. A 'o savavali atu latou aga'i i Ierusalem, sa fa'apea ona fa'amamāina i latou. Peitai, e to'aiva e le'i toe foi mai e fa'aalia lo latou agaga fa'afetai ia Iesu. O le fa'amalologa na latou maua, ua na o se fa'amalologa o le tino, ae latou te le'i maua le atoaga o fa'amanuiga ma le maua ai le avanoa aupito sili ona taua mo latou olaga.

Peitai, o le to'atasi o latou, o se tagata Samaria, e le o se Isaraelu, 'ua ia iloa ua fa'amamāina o ia, 'ona ia toe foi ane lea, ma ia fa'afetaia le Atua ma le alaga leo tele'. O ia 'upu e tumu i uiga loloto. O mata o le fa'atuatua na iloa ai e le Samaria le mea ua tupu ia te ia. Na ia liliu ai ma toe foi, pe ua liliu ai lona fa'atuatua, ina ua toe foi ia Iesu ma ia vivii' atu i le Atua. O le fa'amalologa o le tino, o se fa'ailoilo lea o le fa'amalologa sili, o le fa'amalologa lea fa'aleaga. Sa auai o ia fa'atasi ma isi lepele ile taimi na o latou alalaga ane ai i le Alii: "Le Alii e, Iesu, ia e alofa mai ia te i matou" O lenā 'alaga na aveva ma 'auala o lona liliu ato'ato'a ile Alii Le Atua ma Iesu. Na ia lagona ma amana'ia le Alii o Iesu e ala i "lona fa'apa'u fa'o i ona vae ma fa'afetai mai ia te ia". Ona pau lenei o le taimi o lo'o fa'amauiina i Evagelia uma e fa, ua fa'afetai ai se tasi ia Iesu. O isi taimi uma, o le fa'afetai e taula'i uma i le Alii Le Atua.

O lenei tala o lo'o fa'ai'u i le fetalai atu o Iesu i le tagata o loo fa'o i ona vae, "o lou fa'atuatua, ua e malōlō ai" E na o le Samaria lenei o lo'o fa'amatalaina o se tagata sa tumu i le agaga fa'afetai ma o ia o se tagata fa'atuatua, lea na fetalai iai Iesu, o lona fa'atuatua ua le gata ina malōlō ai lona tino, ae ua ia maua ai ma le fa'aolataga ato'ato'a. Ua fa'asaina o ia ma ua fa'amamāina lona lepele, ma o le mea aupito sili ona taua, ua matala ai ma pupula ona mata fa'a-lefa'atuatua.

E mautinoa sa soifua le Alii o Iesu mo le lalolagi ma lona si'osi'omaga ma mea uma sa tutupu ma aliali mai i lenā lalolagi. Sa ia maua le Atua i mea uma.

Na mafai ona tali ane o ia i le mea sa finagalo ai Iesu na te faia mo lona fa'aolataga. O Iesu na te fa'apupula o tatou mata ina ia tatou va'ai. Ia tatou fa'afetaia Le Atua mo mea uma, ma ia tatou vivi'i ma fa'afetaia lau afio, lo matou Fa'aola.

SAGATO STANISLAUSE



St Stanislaus

Epikopo ma le Maletile (1030 – 1079)

Po'o ai lava e faitau i le tala fa'asolopito a Europa i Sasa'e o le a tau i le igoa o Stanislaus, o se tagata amiotonu ae o se Epikopo na malaia a Krakow, le sulufaga a Polani. E manatuaina fa'atasi ma Sagato Tomasi More ma Tomasi Becket ona o lo latou tete'e atu i se malō le sa'o ma le leaga.

Na fanau o ia i Szczepanow e latalata i Krakow i le aso 26 o

Iulai 1030, ma na fa'au'uina ma ositaulaga ina ua mae'a ona a'oa'oina i le a'oga a le Katoliko a Gniezno, i lona vaiata o le laumua a Polani. Na tofia o ia ma faife'au i Krakow, le nofoaga na va'aia ai lona agava'ai le tautala ma amioga lelei na mafua ai ona liliu mai le to'atele o latou na talia le sakalameta o le kofesio, o faife'au ma tagatā lotu. Na avea ma epikopo a Krakow i le tausaga 1072.

A o alu atu i se malaga aga'i i le nu'u a le tupu o Kiev, sa a'afia o ia i ni mataupu fa'alemalō a Polani. Sa lauiloa o ia i lona finau, ma sa fa'asino tonu ana upu faitio ma le osofa'i i faiga fa'atiapolo a le tupu ma ana faufautua, aemaise o taua le tatau ma amioga leaga a le Tupu o Boleslaus 11.

Muamua na tau fa'amāmā e le tupu mai ana mea na fai, ona faia lea o ni gaioga o le salamō, ona toe liliu fo'i lea i ana amioga tuai. Sa fa'auau le tete'e atu a Stanislaus na tu'ua'ia o ia ile fa'alata ma le fa'amata'u i le oti, na mulimuli ane ua fa'ate'a ai ma le tupu. Na ita tele le tupu ma na fa'atonuina fitafita e fasioti le epikopo, ae le usita'ia e fitafita lea fa'atonuga ma na fasitoia lava e le tupu Stanislaus e le tupu lava ia.

Na sola fa'amalosia le tupu mai Polani, ma aga'i atu i Hungary le nofoaga na nofo ai mo lona olaga atoa, o se tagata ua salamō i le nofoaga a Monike o le ituiga o Benedictine i Osiak, Hungary.

SAKALAMETA

10

O Le Vavae'escina o le Papatisoga – i le Vai ma le Amataga o le Kofilimasio

E pei ona tatou va'ava'ai ai, i le seneturi e tolu i Roma o le sauniga o le fa'aulufale o tagata matutua sa mae'a lelei ona tapena. I se nofoaga 'ese mai le fa'apotopotoga o le eukalisitia, o le tagata:

lafoa'ia a latou agasala ma faia se fa'amaoniga mo Keriso
na fa'au'uina i le Suau'u o le Katesimo
Papatisoina i le vai
na fa'au'uina i le Suau'u o le 'Fa'afetaimolia (Chrism)
mo le taimi muamua.

Ona latou fa'atasi atu lea ma le fa'apotopotoga o le eukalisitia o le a fa'ae'e ai lima a le epikopo i o latou luga ma tatalo ai. Sa fa'au'uina fa'alua i latou i le Suau'u o le Fa'afetaimolia (Chrism) ma mafai ai loa ona latou talia le Eukalisitia.

O ulua'i molimau o le gaioga 'ese ua o fa'atasi ma le avatua o le Agaga na sau mai ekalesia i Aferika i Matū. O le feagaiga a Tertullia (160 – c. 225) *De Baptismo* o le taimi muamua lea na ta'ua ai le fa'au'uina ina ua uma le papatisoga, na fa'avae lea i le fa'au'uina o Mose e Arona ma fa'ailoa fa'atasi ai ma le matafaioi fa'amesia a Keriso. O lo'o manino lona so'otaga ma le papatisoga ae pau o lea e 'ese mai ai. Sa tusia fo'i e Tertullian le fa'ae'e o lima ma le fa'amanuiaga po'o le tatalo mo le Agaga ina ia sau i luga o lē ua papatisoina. O le Eukalisitia lava e taualuga ai le sauniga o le fa'aulufale.

O sauniga i le mae'a o le papatisoga Tala'aga Fa'aoposetolo e le tutusa ma sauniga e pei ona fa'amatalaina e Tertullian. I

sauniga nei e i ai le fa'apa'iaina i le suau'u lona lua i le mae'a o le fa'apa'iaina i le suau'u fa'aepikopo. Ua foliga mai o le fa'apa'iaina muamua i le suau'u ma lona uiga fa'amesia na faia lea e se ta'ita'i po'o se tiakono e le va'ai ai le aofia, ona o tagata sa papatisoina telenoa ma, mo mafua'aga o le va feagai ai ma le fa'aaloalo, ua faia i se nofoaga e le 'au ai se aofia. O le fa'apa'iaina lona lua i le suau'u ua fa'amausali ai le fa'apa'iaga muamua i le fa'aopoopo i ai le fa'apa'iaga a le ta'ita'i o le tino le fa'apa'iaga i le suau'u a le epikopo o le ulu ma le aofia o lo'o 'au ai. O lenei fa'apa'iaga fa'alua, ua avea ma faiga masani a le ituaga a Roma.

O le mea ua tatou va'aia i le vai taimi i le va o le seneturi lua ma le lima o le tuputupu a'e lea o se finau'iga e uiga i le taimi e talia ai le Agaga Pa'ia i papatisoga. Fai mai Tertullian o le taimi e fa'ae'e ai lima a le epikopo i luga o lē ua papatisoina; o Konelio (pope 251 – 253) fai mai o le taimi e fai ai le fa'ailoga o le koluse i luga o muaulu o latou ua papatisoina, o Aukusitino o Hippo (354 – 400) o le taimi e fa'apa'iaina ai e le epikopo i le suau'u o le fa'afetaimolia (chrism) le ua papatisoina.

Ae ui i lea sa malilie fa'atasi i latou, i le fa'ai'uga o le sauniga o le papatisoga o lē na papatisoina ua talia atoatoa le Agaga Pa'ia.

O sauniga manino lelei e lua na tula'i mai nei faiga na amata ona va'aia i le seneturi e lima i le Fonotaga a Orage i le aso 8 Novema 441, ma i le iva o seneturi o le a avea ma faiga masani i le Ekalesia i Sisifo. O le upu 'kofilimasio' na mua'i alia'e na o le seneturi e lima o se igoa masai mo le fa'apa'iaina i le suau'u o se tagata fa'atoa papatisoina ma o se sauniga e 'ese mai ai o le kofilimasio na avea ma faiga masani i le uma o le seneturi e iva.

SAKALAMETA

O lenei tuputupu a'e na amata i le tulaga o le epikopo ma lana matafaioi i le fa'aulufaleina o le 'au fa'atuatua pe a le 'au ai. Ona o le fa'aululuga o le Ekalesia i lona nu'u, o le epikopo ua fai ma sui o lona nu'u ma le Ekalesia lautele ua ofi mai i ai latou ua fa'aulufale. O nisi o taimi e le mafai e le epikopo ona 'au ai, ae ui i lea o ni fetu'una'iga e tatau ona fai. A o amata ona tupu le Ekalesia, o le aumai mai a'au mautu ma aga'i atu i nofoaga i nu'u i tua, le tuputupu a'e o palisi ma le faife'au palisi ua aveva ma sui epikopo ua amata ona tupu.

I sisifo e tolu vaega ma mafua ai ona faigatā tele i epikopo ona 'au ai i papatisoga. Muamua, i le tau fa'ai'ui'u o le seneturi e fa, na aveva ai le Fa'akerisiano o le talitonuga ma le lotu aloa'ia a le Malo Tele o Roma. O lenei tuputupu a'e na va'aia ai le fa'aopopoina tele o tagata na papatisoina. Lona lua, i le seneturi e lima o le papatisoina o pepe ua amata o se faiga masani i le tele o pitonu'u a le Malo o Roma, o le isi uiga o le fa'ateleina o le numera. Lona tolu, sa le lava epikopo i vaega o le galuega tala'i a le Ekalesia.

I le Ekalesia i Sasa'e na fa'asolosolo malie ona avatu i faife'au le pule e faia ai i le pule a le epikopo ma tu'u fa'atasia ai sauniga o le papatisoga ma tumau ai. I Sisifo, e ui sa i ai ni nai 'ese'esega i atunu'u 'ese'ese, sa manatu e tāua tele le fa'atinoina e le epikopo o kofilimasio.

Ae o le Ekalesia i Sasa'e, o le matafaioi a le ta'ita'i o le fa'aulufale ua avatu lea i le faife'au a le nu'u ae o le fa'apa'iaina o suau'u pa'ia ua fa'aleoleo lea mo le epikopo o lona a'u ai lea fa'afailoga – fa'asakalameta i le fa'aulufale. I le Ekalesia i Sisifo o le matafaioi a le epikopo i le fa'aulufale sa fa'asao pea e ala i lona fa'amaoniga o le fa'aulufale o lē ua fa'aulufaleina ma le fa'apa'iaina o le suau'u o le fa'afetaimolia.

E o'o atu i le taimi na tusi atu ai Pope Innocent I iā Decentius o Gubbio i le 416, o le fa'apa'iaina fa'alua i le mae'a o le papatisoga ua va'ava'ai i ai Innocent ua na o le epikopo e ana lea matafaioi. Ua na o le aiā tatau a epikopo e faia le fa'aailoga i muauulu i le suau'u, ona ua fa'apitoa lea sauniga ua na o epikopo pe a latou auina atu le Agaga.

O le fesili la ua tula'i mai i le uiga o le fa'ae'eina o lima po'o le pule fa'aepikopo ma ana uiga fa'aleagaga: o le tulaga tau e o gatasi ma le tulaga o le pope o totino ua na o epikopo, ona a latou fa'amausalī pe avatu le Agaga Pa'ia....e ui i lea latou te lē fa'aailogaina le muauulu i le suau'u mai le suau'u lava e tasi, ona ua fa'apitoa lea matafaioi ua na o epikopo lava ia, i le taimi lava ua latou avatu ai le Agaga Pa'ia. E o'o atu i le taimi ua fa'amautu ai tusi fa'amaumau mo sauniga, o le uiga 'ese o se sauniga fa'a – Roma o le fa'alua ona Fa'afetaimolia i le suau'u o le fa'amausalīina ua fa'amautū i le mae'a o le papatisoga. O le fa'amausalīina e le epikopo, faia i le muauulu, e i ai lona uiga fa'asakalameta ona e i ai le so'otaga ma le fa'ae'eina o lima. O le Tusi o Sauniga ua fa'amatalaina le sauniga atoa fa'aepikopo o le fa'ae'eina o lima ma le tatalo ma fa'asuau'uina o se sauniga e tasi fa'asakalameta o le fa'amausalīina.

I le vaitau o Tausaga Ogototonu o le Tupu o Alesana le Silisili (742 – 814) sa taumafai e fa'atulaga lelei tu ma aga ma le aganu'u a Roma i lana malo. O le una'ia mo se tu'ufa'atasia o le sosaiete ma mataupu fa'alemalō na mafua ai ona finau mo le pule i le va aigā tupu a Farani ma le 'au fai tofi a le Ekalesia. Ina ia fa'amalosia o latou tulaga, o epikopo a Farani na tu'uina maia ni tusitusiga sa iloina o *Isidorean Decretals* sa lagolagoina le tele o aganu'u a Roma. O nisi o tusitusiga o ni vaega moni sa fa'amaonia o latou tulaga mo'i, ae o isi na maua i seneturi mulimuli mai e le moni. Ua iloina i aso nei o ni poloa'iga e le tonu. (*Fa'uauau atu i lomiga i luma*)

SAGOLEGOLE

FAIVA O FITI IA LILILO

Ua o'o i le tasi aso sa fealua'i le tautai Fiti e igoa ia Leatuafa'alua e saili se tasi la te tauva. Ua i'u ina maua le tautai Samoa e igoa ia Lafoitautele. O faiva e masani ai le tautai Fiti o ona uepa, a o le tautai Samoa o lona tao.

Ua amata loa la lau tauvaga, e fa'asaga le Fiti e tatao lona uepa, Uma loa ona oso lea o ia i lona va'a ua malolo ai. Te'i ua moe. O Lafoitautele ua to'o aga'i lona va'a i sasa'e ma sisifo, ae ua leai se i'a ua maua. Ua foi mai le va'a o Lafoitautele, ua moe gase le Fiti, a o lona uepa ua tau masae i le tele o i'a ua i ai.

Fa'asaga atu loa Lafoitautele, le tautai Samoa, ua so'a i'a ma lafo i lona va'a se'ia o'o lava ina mae'a i'a uma sa i totonu o le uepa. Uma lea o na toe to'o lea lona va'a i lea itu ma lea itu peiseai ua fa'asaga pea o ia i lona faiva i le tao.

Te'i a'e loa le tautai Fiti ua oso loa i lalo ma va'ai i lona uepa. Ua leai se i'a. Ona vala'au mai lea ole tautai Samoa, "Ta a'e ia i fanua, ua la." Va'ai atu loa le Fiti i le va'a o Lafoitautele ua tumu i i'a. Fai atu loa lea o Leatuafa'alua ia Lafoitautele, "Se, ua ou iloa nei o oe le tautai mai anamua. E te aloalofia le tai alo, e te aloalofia fo'i le tai sua e leai se figota o le sami e te le maua. A ta fo'i i fanua, a i ai ni ou alofa, se'i ia natia le 'asa o le faiva o le Fiti. Faiva o Fiti ia lilo."

LAUGAINA O LE EVAGELIA A MATAIO

(PREACHING MATTHEW)

(Nisi o tusitusiga a le alii Faiʻeʻau o Gerald O'Collins SJ, o le Polofesa Lagolago o le Iunivesite Katoliko a Ausetalia, ma o le tusitala o ni tusi se limasefulu ua lomía – Fa'aliliuina e Lauano.ILAO)

**Ole tāua o le Fa'aleleiga
(Mataio 5.25-26)**

“Ia vave ona oulua lelei ma lē o tagi i ana mea ua iā te oe, manū oi le ala oulua ma ia..”. O lea fetalaiga a Iesu, o se saunoaga manino e uiga i se tasi o fa'avae taūa fa'aletulafono: ina ia vave ona faia se fa'aleleiga i tua a'o le'i o'o se mata'upu i le fa'amasinoga, semanū o iai le taimi. Ia vave maua se leleiga o 'oe ma lē o tagi fa'asaga ia te 'oe, a'o le'i tu'uina atu 'oe i luma o le fa'amasino. O le taimi e amata ai iloilogaga a le fa'amasinoga, e ono fa'aletonu le tulaga e te o'o iai.

O le finagalo o Iesu, ina ia tatou fa'aaogā tatau le taimi ua ia tu'uina mai mo tatou, o le meaalofo o le taimi o lo'o tatou 'ae'ae ma tafili saunoa ai nei. O le fa'aaogaina o a na ia lava 'upu ma lona silafia o le mea e ono tupu i totonu o se fa'amasinoga, sa fa'aāta mai ai e le Alii o Iesu se tasi o fa'aupuga a le Aposetolo o Paulo.

O lo'o tatou fa'atasia i lenei olaga. A 'o le alofa ma le mana o Keriso, e mafai ai e lo tatou fa'atuatua ona faia mea ofoofogia mo isi tagata.

O lea lafoga a le aposetolo e fa'avae mai tusitusiga a le Perofeta o Isaia, na ia ta'ua ai: “Fa'auta, o lenei le tausaga e talileleia mai ai: fa'auta o lenei le aso e fa'aolaina ai” (2 Kori.6.2). O lea tulaga, o se augani lea ma se fa'amalosi'au mai a Paulo ia te i tatou uma, ina ia vave ona tatou fa'alelei ma le Alii lo tatou Atua, semanū o iai le taimi.

O le agaga moni lava, ina ia mafai ona tatou tu'ufa'atasia lu'itau ma faigatā o vaitausaga nei o le Atevetu ma le Fāgafulu ma fa'aaogāina le gagana a le Aposetolo o Paulo. O le taimi lelei lenei mo tatou e talileleia ai: fa'auta, o lenei le aso e fa'aolaina ai tatou. A lē o lea, e mafai foi ona tatou mulimuli i le gagana a le Alii o Iesū ma tatou tatalo: “Le Alii e, alofagia ma talia mai a'u i le fa'aleleiga ma 'oe, i lenā taimi lelei ua e aumai ia te a'u. Ua 'uti'uti le taimi, ae peitai, o lo'o iai pea le taimi mo a'u nei, e tu'u atu i lau afio e fa'asagatonuina ai mea uma o lo'u nei olaga”

Ua iloa lo latou fa'atuatua

(Mataio 9.1-8)

O le to'atele lava o le au atamamai i su'esu'ega o le Tusi Pa'ia e talitonu, o le Evagelia a Mareko sa tele ina fa'aaoga ma falagolago iai isi fai evagelia o Mataio ma Luka, i le taimi na tusia ai a la'ua tusi, e pei

ona aofia nei i le Feagaiga Fou. E iai taimi ua fa'apu'upu'u ai e Mataio nisi o tala ua tatou faitau iai i le Evagelia a Mareko. O le Evagelia o le asō, o se tasi lea o fa'ata'ita'iga lelei o lea tulaga.

E sefulumalelua fuaiupu o loo fa'aaogā e Mareko e fa'amatala ai le tala e uiga i le tagata pipili na fa'amaloloina e Iesu (2.1-12). Ae ua fa'apu'upu'u lea tala e Mataio i le na o le valu o fuaiupu. E le'i au'ili'iliina e Mataio le ave'esea e taulele'a e to'afa sa tau'aveina le moega ole tagata pipili, ia lo latou ave'esea o 'apa o le tauluga o le fale ina ia mafai ona tu'utu'u ifo ai i lalo le tagata pipili i luma o Iesu sa i totonu o le fale. Ole mea moni lava, e pu'upu'u le tusitusiga a Mataio o lenei tala, peitai, o loo maua uma le 'a'ano ma vaega taua e tatau ona iai.

O se tasi o ia vaega tāua o le tala, o lo'o tutusa ai tusitusiga a Mareko fa'apea ma Mataio, e uiga i tagata nei e to'afa sa o latou tau'aveina le moega ole tagata pipili ma avane ia Iesu. “Ua silafia foi e Iesu lo latou fa'atuatua”, ona fa'amagaloina lea e Iesu o agasala a le tagata ma'i ma ia fa'amaloloina ma toe fa'afo'isia lona malosi. O se auiliiliga taua tele lea.

O lo tatou fa'atuatua, e mafai ona auala mai ai fa'amanuiaga mo isi, aemaise i latou o feagai ma ni mafatiaga o le tino fa'apea ma le agaga. O lo'o tatou fa'atasia i lenei olaga. A 'o le alofa ma le mana o Keriso, e mafai ai e lo tatou fa'atuatua ona faia mea ofoofogia mo isi tagata.

E lē tele so tatou iloa i tagata nei e to'afa sa o latou tau'ave le moega ole tagata pipili ina ia o'o atu ia Iesu. Ae o lea ua tatou iloa e matuā malosi lo latou fa'atuatua ia Iesū ma le mea e mafai ona fai e le Alii mo le latou uō ma'i. Ina ua silafia e Iesū lo latou fa'atuatua, sa le'i toe fa'atali ae fa'atino loa lana galuega lavea'i i lona mana ma lona alofa tunoa.

O a'oa'oga mai Tamaiti

(Mataio 18.1-5)

“A lē liua outou, ma avea ia pei o tamaiti, tou te lē sao lava i le malo o le lagi”. E iai se foma'i talavou e igoa ia Robert Coles, na i'u mai le A'oga Fa'afoma'i a le Iunivesite o Harvard i tausaga e tele ua mavae, ma tofia ai e galue i le Falema'i o Tamaiti i le aai o Boston. E fetau le amata o lana galuega ma le maua o le vaila'au e togafitia ai le fa'ama'i mata'utia i na onapō o le fiva fai'ai. Ae peitai, sa to'atele pea tamaiti na maua ai i lea fa'ama'i ma uma ai o latou ola. O le taimi tonu lea na amata ai le auunaga a lenei foma'i o Robert Coles, o le tausaga ma le togafitia o tamaiti mama'i ma tamaiti ua leai se fa'amoemoe ona o ma'i faigata sa maua ai.

O le olaga atoa o lenei foma'i sa ia galue ai mo tamaiti mama'i i le a'ai o Boston fa'apea ma isi itu o le atunuu. E tele ni tusi sa tusia e lenei foma'i e fa'atatau i tamaiti ma o latou ma'i. Peitai, sa mulimuli ane ua ia iloa le tele o ni a'oa'oga na ia maua mai

tamaiti. O se tasi o ana tusi sa fa'aigoaina o le "Tamāli'i'āga o Tamaiti" (*The Spirituality of Children*), lea na ia tusia ai mea uma na ia maua ma a'oa'oina mai i tamaiti.

Ole mea tonu a lea, o loo finagalo iai Iesu tatou te faia. Ia pei tatou o le ali'i foma'i o Robert Coles, ia tatou a'oa'o mai i tamaiti, ia tatou a'oa'o auala moni ma auala fa'alilolilo a tamaiti, e latou te taliaina ai le malō o le Atua.

Ou te talosia, o le a tutusa i tatou uma, i le tulaga lelei ma le mafana o tatou so'otaga ma tamaiti: tamaiti o tatou lava aiga, po'o fanau a tatou uō ma e masani, po'o tamaiti foi o loo tatou galulue mo latou i totonu o mafutaga ma fa'alapotopotoga 'ese'ese. Ia tatou tatalo mo fa'amanuiaga a le Alii ina ia mafai ona tatou a'oa'o mai nei tamaiti, e tusa o le mea aupito sili ona taua mo tatou uma, o le malō lea o le Atua.

Fa'apei o se tagata matitiva (Mataio 25.31-46)

O le perofeta o Isaia atoa ma isi perofeta o le Tusi Pa'ia, o loo atagia i a latou tima'iga mo tatou le tatau ona tatou fa'asoa ma tufa atu mea'ai mo e o fia a'ai, talia ē matitiva ma fa'aofu i ē ua lē lavalavā. O loo fa'amanatu mai e perofeta uma nei, o lō tatou tiute fai le fesoasoani ma alolofa atu i tagata matitiva ma puapugatia e auala i mea'ai, fale e nonofo ai, lavalava ma isi mea uma fa'apena e latou te mana'omia. O le fesili tele e tula'u mai, pe o le ā la se 'ese'esega o a'oa'oga mai perofeta o le Feagaiga Tuai ma a'oa'oga a le Alii o Iesu mo tatou, e pei o le Evagelia a Mataio 25?

O le taimi tatou te va'aia ai foliga o tane ma fafine e leai ni mea e nonofo ai, tatou te iloa ai foliga o le Alii o Iesu

O le tali, e tasi pē lava le 'ese'esega ogaoga o lo'o iai. O le 'ese'esega o Iesu ma le au perofeta anamua, ona o le Alii o Iesu o ia e fa'apei o se tagata ma'i, ma se tagata fia'ai, leai se mea e nofo ai, e fa'apei o se tagata sulufa'i ma se pagota I le falepuipui.

E moni o le Alii o Iesu, e fa'apei o so'o se isi lava tagata ua tatou iloa ma feiloa'i iai. Peitai, i se tulaga fa'apitoa lava, e fa'apei o ia o tagata ua fa'asatauroina i puapugā ma le fia maua o se mea 'ona o le mativa ma le lima vaivai. E leai se perofeta na mafai ona fa'atino lea tulaga.

A tatou va'ai lelei i foliga o tagata o lo'o i totonu o falepuipui, tatou te iloa ai foliga o Iesu. A tatou va'ai foi i foliga o tane ma fafine e leai ni mea e nonofo ai, tatou te iloa ai foliga o le Alii o Iesu. Tau ina ia mafai ona vaai pea o tatou mata i foliga o Iesu fa'asatauroina e auala mai foliga o tagata o loo mana'omia tele se fesoasoani ona o mafatiaga o feagai ma latou.

O le tala e uiga i 'upu e lua (Mataio 28.9-10)

E iai taimi, e mafai ai e se 'upu se tasi ona fa'alelei ma fa'ataua se tusitusiga tele. O le filifilia ai o se 'upu se tasi po o ni 'upu se lua foi, e mafai ona fa'aopoopo ai se isi matagofie i se tusitusiga tusa pe pu'upu'u, e tatou te faitau iai. O se fa'ata'ita'iga o fuaiupu nei:.. "...ua feiloa'i Iesu ma i laua" o fafine e to'alua ma ia fa'apea atu iai: "inā o atu ia, lua te ta'u atu i o'u uso, ina ia latou o i Kalilaia, latou te iloa mai ai a'u"

Na "fetaia'i" le Alii o Iesu ma Maria le Makatala ma le tasi Maria. E na o le pau lava lea o le taimi o loo ta'ua ai i totonu o le Feagaiga Fou atoa se feiloa'iga a Iesu ma se tasi po'o ni tagata. O le filifiliga o le 'upu, e atagia ai le alofagia e Iesu o fafine ia e to'alua. O lona toetū manumalo mai le tuugamau, sa iai lona finagalo ina ia feiloa'i ma i laua. E moni e alofa o ia i tagata uma, ae o le fa'aupuga lea, "fa'au-ta foi, ua fetaia'i Iesū ma i laua", e atagia ai lona alofa ia Maria Makatala ma le tasi Maria. Sa finagalo o ia, ina ia o'o atu ma fetaia'i ma i laua.

Ona saunoa lea o Iesu i se fe'au fa'apitoa mo le 'au so'o e toa sefulumaletasi. Sa ia tau'a i latou o ona "uso", ae le na o ni "aposetolo", e pei o le fetalaiga a le agelu lea sa fa'ailoa ane i fafine i le tuugamau (Mat.28.7). Ioe, e tumau lava latou o aposetolo, a'o lea ua avea ma uso fa'atasi ma o latou tuafafine, o le auaiga fou lea ua fa'avaeina e Iesu. O ē mulimuli iā Iesū, o ona so'o ia, a'o lea ua avea nei ma 'au'aiga māfana ua ia fa'avaeina.

Ioe, o upu e mafai ona fa'alanuina ai ina ia saga matagofie atili se tusitusiga. O le tulaga tonu lena ua faia e 'upu nei e lua o le "fetaia'i" ma le "uso", e pei ona iai i le fa'ai'uga o le Evagelia a Mataio.

TULIMANU O AOGA ASO SA



Tamaiti Aoga Aso Sa, Faiaoga ma matua lagolagosua

Faatalofa atu mai le Aoga Aso Sa o Sagato Patelesio, Wainuiomata

O le masina o Mati sa toe faamaopoopo ai ma amatalia Aoga Aso Sa a Wainuiomata. Amata mai ile vasega preschoolers e oo atu ile vasega autalavou.

14

Faamanatu o polokalame poo fuafuaga faataatitia mo lenei tausaga 2019:

Taulogologo (monthly article roster) e tapena mai iai aoga nei:	10 th June
April – Wainuiomata	12 August
May – Petone	14 October
June – Newtown	
July – Lower Hutt	
August – Naenae/Stokes Valley	
September – Titahi Bay	
October – Strathmore	
November – EOY – Ofisa Aoga Aso Sa	

O isi aso tā'ua mo lou silafia:
6th July – Disco (school holiday)
Reflection Day mo Faiaoga Aso Sa – 17th August
5th October – Fun Day mo tamaiti
26 October – End of Year Mass & Activities
2nd November – Teacher's Outing
20th November – World Children's Day

Aso o Fonotaga Aoga Aso Sa e faia lava ile Catholic Centre, amata 6.30pm:
8th April

O le masina o Mati ma Aperila ua autū ai sauniga a le Ekalesia i le Misitelio o le Paseka e pei ona patipatia i ana sauniga. O lenei vaitau o le Fagafulu ua vala'auina ai le 'au fa'atuatua ina ia sauniuni i latou ma a latou fa'apotopotoga e patipatia le Vaiaso Pa'ia, le Vaiaso Pa'ia lava ia, ma le Oketava o le Eseta – le valu o aso mulimuli mai le Eseta. E aogā tele le malamalama i ai, ma le fa'atasi atoatoa i ai, i lenei sauniga autū a le Ekalesia o le talisapaia o Tususiga Pa'ia ua tu'uina mai i luma ole 'au fa'atuatua i Sauniga. O faiga nei ua tatou feiloa'i atu ai iā Keriso o lē o lo'o folafolaina ma aumaia le malō e ala mai i lona ola, maliu ma le Toetū. I le tomanatu i le Upu a le Atua ua tu'uina mai e le Tusi Pa'ia i le patipatia o sauniga, ua vala'auina ai le 'au fa'atuatua ina ia ulufale atu ma le atoatoa i le Misitelio o le Paseka ua patipatia ma le punavai lea o le ola fa'atasi ai ma fa'amoemoega a Kerisiano uma lava.

ASO 7 APERILA ASO SA LIMA O LE FAGAFULU:

Faitauga muamua - Isaia 43: 16 – 21. Matua: 'Ou te faia se mea fa'atoā iloa; auā 'ou te avatu vai i le vao lafulafuā, e feinu ai lo'u nu'u ua 'ou filifilia.

FAITAUGA MO LE MASINA O APERILA – 2019

Salamo: 126: 1 – 2 (tali), 3 (tali), 4 – 5 (tali). Tali; Ua faia e le Ali'i mea tetele mo i tatou, ua tatou fiafia ai.

Faitauga lona lua: Filipi 3: 8 – 14. Matua: Ua 'ou fa'alēaogāina mea uma ina ia 'ou maua Keriso

FUAIUPU MO LE EVAGELIA:

Inā lafoa'ia ia o outou solitulafono uma ua outou solitulafono ai, ma ia fai mo outou se loto fou, ma se agaga fou.

Evagelia: Ioane 8: 1 – 11. Matua: O sō outou e leai sana agasala, ia lua'i togi se ma'a iā te ia.

O le Tofitofiga o le Upu:

Mo tagata Isaraelu o le Esoto (po'o le malaga 'ese atu) o le ulua'i gaoiga lea o le fa'aolataga. O le Ali'i na gaoi ina ia mafai e tagata Iutaia ona sosola mai Aikupito ma le sauaga a Fara'o i le Sami Ulaula, ma o lenā mea taūa na tupu na avea ma fa'avae o la latou feagaiga fa'asino ma le Atua. O le talanoa i ni tagata ua fa'aanu'ua, ua ofoina mai e Isaia se va'aiga fa'atupu fa'avelave ma le lu'itau: o a mea o lo'o faia e le Atua mo ona tagata ua sili atu e o'o lava o le mea na tupu i le sosolaga (Esoto)! O le a toe fa'afo'i e le Atua ona tagata i o latou 'ele'ele, ma toe aumai uma le 'au fa'aanu'ua ma le 'au sulufa'i i le Nu'u na folafolaina i o latou Tamā. O se mea fou lenei ua fa'aalia ai le agalelei o le Atua i ona tagata ma fa'ataunu'u ai feagaiga uma na folafolaina, e ui i le faigatā i le va'ai.

O le faitauga matagofie mai le evagelia ua aumai mo tatou i le asō ua tau manino mai e lē o se mua'i vaega mai le evagelia a Ioane – e i ai ni mafuaga tata e fa'apea na mua'i sau mai iā Luka. Ae ui i lea, ua fa'aaloogia e le Ekalesia lea o se kanone, ma ua ofoina mai se avanoa matagofie tomanatu ai i fa'amasinoga ma le alofa – o ni sini taūa tele mo le Fagafulu. I se tasi o va'aiga o le pisapisaō ma le fa'amisa a o toso atu le fafine i luma o Iesu e tagata ua manana'o mo le toto. I le isi va'aiga o lo'o i ai le filemū ma le leai o se pisa a o tusitusi Iesu i le palapala ma na o le tasi le upu na tautala ai i le motu o tagata a o tūtū le fafine e leai ma se leo. E leai se manatu o le fa'ata'apeina o le motu o tagata i sana upu na manatu ai Iesu e lē taūa le agasala a le fafine, ae o le fa'amamafa o le tulaga o lē na mafai ona fa'amasino, o ia fo'i lea na fa'anaunau e alofa. O le faiga masani a le Fagafulu o le patipatia o le sakalameta o le togisala ua vala'auina ai i tatou uma ina ia tūtū i le paganoa i luma o le Ali'i tu'ua'ia i le lē fa'amaoni i le feagaiga ma fa'aloge e lē o upu o le tu'ua'iga, ae o upu o le oalofa.

"Talitonu ona e va'aia lea o le mamalu o le Atua"

Ua leva ona fa'apogisaina a'u i le mafaufau fa'a-Rusia e uiga i le Keriso fa'alumaina, o le Keriso pipili na setusetu ma sopoia atu Rusia, ma aoi mo sana falaoa; o le Keriso lea, i tausaga uma lava, atonu e toe foi mai i le lalolagi ma o'o mai ai i tagata agasala ina ia manumalo lo latou alofa pei ona manao ai. I lea taimi, e pei o le emo o le mata, ou te iloa o lenei miti o se mea moni; e lē o se miti, e lē o se faugāmanatu foi po'o se tala mai le vavau a ni tagatālotu, e lē o se pulēga foi fa'a-Rusia, ae o Keriso i le tagata. O lea mataupu e fitoitonu i le Ekalesia Katoliko; O Keriso i lona natura tagata atoatoa, o Keriso i lona toetu mamalu, ma Keriso i ona mana'o ma ona puapuaga i le lalolagi, ua taunu'u le leleiga. Ua ia i tatou le Keriso atoa.

O le "tofāmamao" na tumau lea malosi mo ni nai aso, ma na latou fa'aalia maia ia te a'u le misitelio ma ona a'afiaga i se mea sili atu ona manino. E ui e le'i taofia ai a'u mai le agasala, ae na fa'aalia maia ia te a'u po'o le a le agasala ... lea na vaeluaina ai o ia, ina ia fa'asatauro ai ia te ia. Na ou va'ai foi i le migao e tata ai i tagata uma le avea ai ma tagata agasala; sili atu nai lo le fa'amagaloina o le agasala, ma o le mea moni o lona fa'anoanoaga aupito sili lea, so'o se tagata e tatou ona fa'amemelo ia Keriso o lo'o mafatia i totonu o le tagata agasala. Ma o lenei migao e tata ona totogiina e o'o lava ia i latou o e agasala, o ia agaga ua foliga mai ua maliliu, auā foi o Keriso o le ola lea o le agaga lea ua oti ia i latou; o i latou tonu ia o tu'ugamau o Keriso, peitai, o Keriso i totonu o le tu'ugamau ua ma'atino o le Keriso Toetu. Mo lea lava mafua'aga e tasi, e leai se tasi o i tatou ua pa'ū i se agasala moletale e tata ona mate ai le fa'amoemoe.

MISASA

Aso Sa Lima o le Fagafulu

I le aso Sa mulimuli lenei o le Fagafulu i luma mai o le aso Sa o le Palema, ua va'ava'ai mai Keriso iā i tatou e pei o lana pupula i le fafine na maua le talatane. O lana agasala, o a tatou agasala, e pule tau fatuga ma mafatia. O le fesili la: E fa'apefea ona tatou tepa atu iā Keriso? I o latou manatu fa'asausili ae o mata o le 'au tusi upu ma le 'au Farasaio na toe tu'u i lalo a latou ma'a ae lē o mana'oga e fasioti (lea na fa'ao'o iā Iesu). Po'o, e pei o le talatane na tūtū na o ia i luma o Iesu ma o lē na talia ma le agamaualalo le fa'asalaga a Iesu? "Ou te le tua'ia 'oe." Na maua e le fafine lona lelei matagofie i le iloaina o Iesu o le Ali'i. Fa'afetai i lenā mea na tupu, ua tatou talia ai le tele o mea ua leiloa, ua manatu o ni lapisi... aemaise o tatou lēmafaufau, manatu fa'apito, o tatou leaga, loto leaga, fa'amauualuga, ma le mimita. O lenei fafine ma i tatou ua "fa'agalole tuana'i" ae ulufale atu i le faitoto'a na tatala mai e Keriso "i le vai tele": o le fa'aputuga o loimata uma na maligi mai le tala'aga. Ua fa'avanoa e le Tamā se ala, e lē o i le sami, ae i le itū o lona Alo.

O le masani o le ufiufiina o koluse ma fa'atua i falesā amata mai i le aso Sa lenei o le a fa'amamaluina. E ufitia pea lava koluse se'ia mae'a le sauniga o le Pasio a lo tatou Ali'i i le aso Faraila Pa'ia, ae o fa'atua e ufiufi pea se'ia amata le sauniga afiafi o le Eseta.

I le aso Sa lenei ua patipatia ai le iloiloga lona tolu i le sauniuniga mo le Papatisoaga o latou o le a talia le Sakalameta o le Fa'a'aulufale Kerisiano i le sauniga afiafi o le Eseta, fa'aoga ai tatalo ua saunia ma tatalo laua'ite.

ASO 14 APERILA ASO SA O LE PALEMA

Faitauga muamua: Isaia 50: 4 – 7. Matua: ‘Ou te le’i ufiufi o’u mata i le mā ma le feanu.

Salam 22: 7 – 8 (tali), 16 – 17 (tali), 18 – 19 (tali), 22 – 23 (tali). Tali: Lo’u Atua e, lo’u Atua e, se a ‘ea le mea ua e tu’ulafoa’i mai ai iā te a’u?

Faitauga lona lua: Filipi 2: 6 – 11. Matua: Ua fa’amaulalo o ia e ia lava; o le mea lava lea ua matuā fa’acina ai o ia e le Atua.

FUAIUPU MO LE EVAGELIA

Ua ‘ana’ana Keriso mo i tatou ua o’o na maliu, o le maliu lava lea i le koluse. O le mea lava lea ua matuā fa’acina ai o ia e le Atua, ma foa’ina atu ai iā te ia o le suafa e silisili i suafa uma lava.

Evagelua: Luka 22: 14 – 71; 23: 1 – 56.

O le Tofitofiga o le Upu:

O le ta’amilosaga e tolu o faitauga i aso Sa ua aumaia iā i tatou o evagelia sinopi ‘ese’ese i tausaga ta’itasi ma o lona uiga ua tatou fa’alogologo i le tala ole Pasio a lo tatou Ali’i i ni va’aiga ‘ese’ese i ia taimi, ma ua tatou maua ai fo’i ma le avanoa e fa’atusatusa ai ma le Pasio e pei ona fa’amatalaina e Ioane ua tatou fa’alogologo i ai i aso Faraile uma o le Eseta. A tatou maitauina autū a tusi evagelia ta’itasi ua mafai ai loa ona tatou fa’aloloto o tatou malamalama’aga fa’atelosia i le Pasio a le Ali’i. O nisi vaega o le leo a Luka ua iloa lelei i le Tala o le Pasio – o se fa’amamafa i le agalelei, fa’amalologa, fa’aleleiga, le agamalū o le Ali’i ma le agamalū a Luka i aposetolo ua mafai ona iloa atu. I le maitauina o se mea e uiga ‘ese iā Luka ua mafai ai ona tatou iloa atu le faiga na ia mana’o ai e tu’u mai ai le Pasio, o le leai o se fa’amoemoe e pei ona taumafai i ai Mareko, e lē o se manumalō e pei ona faia e Ioane, ae o se gaoigaga tele o le fa’aleleiga ma le fa’amaloloina.

I le taimi na saisai ai sa leai se fa’aletonu ma o se tasi o latou ia na taia – e pei ona fai mai isi evagelia – ae ua na o Luka ua fai mai na fa’amaloloina e Iesu le tagata manu’a. E le o ta’ua maia na ta’ape ma sosola le ‘au aposetolo, ae ua ta’u mai i le fa’ai’uga ‘o ana uō na matamata mai se mea mamao.’ E le’i feita le motu o tagata iā Iesu – sa mulimuli ma le tagiaue ma le fa’anoanoa, ma i le mae’a ole fa’akoluseina na o i o latou aiga ma tatu’i o latou fatafata’.

Ua na o Luka ua aumaia le taimi na a’afia ai Herota, ae e lē o ia po’o Pilato na manatu o Iesu na agasala, ma na fa’amatala mai na fa’aleleia Herota ma Pilato ina ua ave’ese atu Iesu. O Luka fo’i ua aumaia le fafine o Ierusalem na mulimuli i le Ali’i ma tagi: ‘Tama fafine a Ierusalem e, sōia le tagi iā te a’u, a ia outou tagi iā te outou, atoa fo’i ma a outou fanau.’ Ua tu’uina mai e Luka le ‘gaoi lelei’ o lē na maitauina o ai Iesu ma na folafola atu iai parataiso. O le Pasio leni na talosaga ai Iesu mo le fa’amagaloga o latou na fasiotia o ia: ‘Latou te lē iloa le mea ua latou faia.’ Ma ile i’uga na fa’amatala mai na tu’uina atu lona ola o se gaoigaga o le fa’atuatua: ‘Lo’u Tamā e, ’ou te tu’uina atu lo’u nei agaga i ou ‘a’ao.’ O le tala a Luka ole pasio o lo’o atagia mai ai le telosia a Iesu – o lē na sau e fa’aleleia ma fufusifusia, na alu ma le loto atoa e fa’ataunu’u lana matafaioi o le fa’aleleia o le lalolagi i le Tamā, ma ua va’aia e se tasi e i ai le loto lelei – e pei o le seneturi, ma le anoanoa’i o so’o i aso nei.

ASO 21 APERILA - ASO SA O LE PASEKA – O KERISO LE ALI’I UA TOETŪ I LE ASŌ.

Faitauga muamua: Galuega 10: 34, 37 – 43.

Matua: O i matou nei lava sa matou ‘a’ai ma feinu ma ia, ina ua toetu mai o ia i e ua oti.

Salamo: 118: 1 – 2 (tali), 16 – 17 (tali), 22 – 23 (tali). Tali: O le aso nei ua faia e le Ali’i, ia tatou olioli ma fiasia i ai.

Faitauga lona lua: Kolose 3: 1 – 4. Matua: Ia outou sa’ili i mea o i lugā, o i ai Keriso.

Aleluia, Aleluia... O Keriso la tatou Paseka ua fasia mo i tatou; ia tatou faia le tausama’aga ma le fiasia i le Ali’i... Aleluia.

Evagelia: Ioane 20: 1 – 9. Matua: Ua tatau ona toetū mai o ia mai le oti.

FAITAUGA MO LE MASINA O APERILA – 2019

Tofitofiga o le Upu:

I le faitauga muamua ua tu'uina atu e Peteru iā Konelio se a'oa'oga matagofie ma le manino i tala Kerisiano. O le mata'iga ona ua fa'aogā e Peteru ona ia a'afiaga ma mea na tutupu iā ia ma isi so'o ma na manino lelei ai latou na molimau. O le taūa o molimau ona o le a'afiaga vave o le Toetū. O le toetū o Iesu ua le gata ua mailoa o se fa'amaoniga po'o ai Iesu ma lana matafaiōi, ae o se vala'au e avatu i isi: 'ua ia poloa'ia i tatou e folafola atu lea i ona tagata.' O lo'o fīnau Peteru o le mea na tupu e le na o se fa'amaoniga o mea na tutupu i le tuana'i i so'o a o tala'i Iesu, ae o le autū o le luma'ia, ma o se mana'oga ina ia fa'agaioi – o le vala'au e fa'aevagelia. E mafai ona fa'amamafa mai e Peteru e mafai e ia ma isi ona faia le mea nei ona o latou o molimau i le galuega tala'i ma na feiloa'i atu i le Ali'i Toetū, e ua vala'auina i tatou e le evagelia ina ia malamlama o le fa'atuatua i le Ali'i e le fa'amoemoe lea i ai. O lo'o i ai se mea na faia ma le mautinoa e fa'aleluailoa e uiga i le evagelia ua tu'uina mai mo tatou i le asō – o le mea na va'aia o le tu'ugamau ua gaogao ma o 'ie na tanu ai, ae na lava lenā mo le so'o pele: 'sa va'ai ma talitonu'. E leai se isi i aso nei e mafai ona toe maua mai upu tonu a Peteru iā Konelio, ae to'atele e mafai – ma faia – ona fa'aleo se mea e taitutusa e fa'avae lea i luga o le molimau o la latou fa'atuatua, sau mai se moni fa'atauva'a, e pei o le so'o peleina; ma latou na potopoto i le Eukalisitia ile asō, i se manatu moni, e mafai ona folafolaina lenā fa'atuatua e pei o molimau na 'a'ai ma feinu fa'atasi ma ia.

ASO 28 APERILA ASO SA LUA O LE PASEKA:

Faitauga muamua: Galuega 5: 12 – 16. Matua: Ua atili ai ona fa'aopoopoina i le Ali'i o e fa'atuatua, e to'atele o tane atoa ma fafine.

Salamo: 118: 2 – 4 (tali), 22 – 24 (tali), 25 – 27 (tali). Tali: Vivi'i atu ia i le Ali'i, auā e lelei o ia, auā e fa'avavau lava lona alofa.

Faitauga lona lua: Fa'aaliga 1: 9 – 13, 17 – 19. Matua: Sa ou oti, fa'auta fo'i, 'ou te ola e fa'avavau fa'avavau lava.

Aleluia, Aleluia... Toma e, ua e fa'atuatua, auā ua e va'ai mai iā te a'u. Amuia o ē lē va'ai mai, ae fa'atuatua mai pea... Aleluia.

Evagelia: Ioane 20: 19 – 31. Matua: Ua mavae aso e valu, ua maliu atu Iesu, ua tu fō'i o ia i totonu.

Tofitofiga o le Upu:

O le āta ua tu'uina mai e Luka o latou na mua'i mulimuli i le Ali'i Toetū i le faitauga muamua o se mafutaga ua atoatoa le lelei – ua ia mana'o i tagata faitau e iloaina po'o a ni fa'aailoga ua fa'aalia ai se mafutaga Kerisiano moni. O se vaega taūa o lenā manatu o le a'afiaga o isi – ma le anoanoa'i o le gagana na fa'aogaina e Luka e feagai atu ai ma fa'aleleiga na faia ma le loto i ai o lo'o toe fa'aleo mai i gagana na fa'aoga e fa'amatala ai galuega tala'i a Iesu lava ia. O lo'o manino lelei le fa'aauuina e le fa'apotopotoga ma le Ali'i. O se vaega taūa tele lenā o le telosia a Luka i le Ekalesia e pei ona fa'amatala i le tusi o Galuega.

O lo'o i ai fa'atusa matagofie i le faitauga lona lua mai le tusi a Fa'aaliga. O le Sauniga o le Upu i le Misasa i le fa'asologa o tausaga e tolu o lo'o taofiofi fa'atasi ma faitauga mai le Fa'aaliga – ona o le a foliga mai e uiga 'ese mai lava ma le lalolagi i aso nei, ae o le tusi mulimuli o le Tusi Pa'ia o lo'o i ai se matafaiōi taūa tele ile fa'amanatuina mai iā i tatou e lē mafai ona tatou atiina a'e le Upu a le Atua. E mafai ona tatou tu'uina atu i tatou e ave ma uō mafana mo nisi o faitauga mai evagelia po'o ni faitauga ua filifilia mai Salamo ma Perofeta, ae o upu uiga 'ese mai iā Ioane o Patumaio o le a lu'itauina ai i tatou ma vala'au i tatou ina ia mafaufau loloto e uiga i le Atua ua fa'aalia mai iā Iesu Keriso. E mafai i nisi o taimi ona tatou faitau i le Toetū o se 'i'uga fiafia' i se tala faigatā, o le a sa'o ai mea uma ma mafai ai ona tatou fa'aauu pea e pei ona masani ai. Faitauga o le Fa'aaliga ua vala'aina ai i tatou ina ia fa'aailoa o le Toetū ua suia ai mea uma ma ua tatala ai le avanoa i le fa'avavau ma le nofoaga e le mafai ona malamalamaina – ma o i'inā tatou te taunu'u i ai. Feagai atu ma le masalosalo e pei o Toma, ua vala'auina i tatou ina ia talitonu ona o le meaalofa o le fa'atuatua.

"O le Alofa Mutimutivale e to'ilalo ai i le Fefe"

O se tasi tuafafine, ina ua ia iloa e uiga i le ma va ma le Alii o Iesu, na ia fai mai ai o a'u ua ou valea. Na ia fa'apea mai ia te a'u, o le Alii o Iesu e na o le au paia lava e fegalegaleai fa'atasi ma le Ali'i ae lē o agaga agasala "e pei o oe le Tuafafine!" Na uma loa, ua foliga mai ua ou lē talitonuina Iesu. I se tasi o a'u tatalo i le taeao na ou fai atu ai, "Iesu, e lē o oe o se mea fa'a'ole'ole?" Na tali mai Iesu ia te a'u, "E lē fa'aseseina e se tasi lo'u alofa."

I se tasi taimi, sa ou mafaufau ai i le Tolutasi Paia, i le natura o le Atua. Na ou matuā fia iloa ma fia malamalama po'o ai le Atua.... E le'i umi se taimi ae osofaia lo'u agaga i se mea e foliga mai ua ou i se isi lalolagi. Na ou va'aia se malamalama uigaese, ma o lena malamalama na foliga mai e tolu ona mafua'aga ma ua lē mafai ona ou malamalama i ai. Mai lea malamalama na aumai ai ni upu e pei o se uilaemo ma siomia ai le lagi ma le lalolagi.... Na fa'afuase'i, mai lena malamalama tele na afio mai ai lo tatou Fa'a'ola, e lē mafa'amatalaina le susulu matagofie o ona manu'a. Ma mai lena malamalama na o'o mai ai se siufofoga ua fa'apea mai, "O ai le Atua i lona lava natura, e leai se tasi e malamalama i ai, po'o mafaufau o agelu po'o tagata." Na fetalai mai Iesu ia te a'u, "A fia iloa le Atua ia mafaufau i lana foa'i." I se taimi mulimuli ane, na ia iloa atu ai le fa'aailoga o

Tauologologo

le koluse i lona lima ma alu ese atu ai

Ina ua vala'auina a'u i le nofoāli'i fa'amasino o le Atua. Na ou tūto'atasi na o a'u i luma o le Alii. Na fa'aali mai Iesu e pei ona tatou iloa o ia i le taimi o le Pasio. Ina ua mavae sina taimi, na lē toe va'aia ai ona manu'a vagana ai manu'a e lima, o ona vae, o ona lima ma lona itu

Na fetalai Iesu ... "E te toe foi atu i le lalolagi, ma o i'ina o le a e puapuagatia ai i mea e tele, ae lē mo se taimi umi; o le a e fa'ataunu'u lo'u loto ma o'u manaoga, ma o le a fesoasoani atu la'u auauna fa'amaoni ia te oe e faia lena mea. O lenei, ia aluga lou ulu i lo'u fatafata, i lo'u loto, ma tōina mai ai le malosi ma le mana mo nei mafatiaga auā o le a e lē mauaina se filemu, po'o se fesoasoani, po'o se fa'amafanafanaga i so'o se mea lava. Ia e iloa o le a tele mea e te maua, e tele mafatiaga, ae aua ete fefe ona o ia mea; Ou te fa'atasi ma oe."

FAITAUGA MO LE ASO MUAMUA O ME ASO 5 ASO SA TOLU O LE PASEKA:

Faitauga muamua: Galuega 5: 27 – 32, 40 – 41. Matua: O ana molimau i ia mea o i matou, atoa fo'i ma le Agaga Pa'ia, lē ua foa'iina atu e le Atua i e 'ana'ana iā te ia.

Salamo: 30: 1, 3 (tali), 4 – 5 (tali), 10 – 12 (tali). Tali: Le Ali'i e, 'ou te vivi'i atu iā te oe, auā ua e fa'aeaina a'u.

Faitauga lona lua: Fa'aaliga 5: 11 – 14. Matua: Ua tataua lava le Tama'i Mamoe na fasia ina ia tu'uina atu iā te ia le mana, ma le ola.

Aleluia, Aleluia... O a'u nei o le leoleo mamoe lelei, ua 'ou iloa a'u mamoe, ua iloa fo'i a'u e a'u mamoe... Aleluia.

Evagelia: Ioane 21: 1 – 19. Matua: Ua maliu ane Iesu, ua tago i le areto, ma avatu iā te i latou; ua fa'apea fo'i ma le i'a.

O LE FA'ASOLOGA O MISASA MO APERILA 2019

1st. Sunday	0.8.30am	Strathmore	Patele Tuli
7 Aperila 2019	11.30am	Titahi Bay	Patele Andrew
2nd. Sunday		Aso Sa o le Palema	
14 Aperila 2019	11.30am	Naenae	Leai se Misasa
3rd. Sunday			
21 Aperila 2019	11.00am	Newtown	Patele Tuli
	11.30am	Wainuiomata	Leai se Misasa
4th. Sunday			
28 Aperila 2019	9.00am	Te Wairua Tapu-Petone	Patele Andrew
	11.00	Lower Hutt	Patele Tuli
	11.30am	Stokes Valley	Patele Maleko

KALENA A LE KAPELANISIA MO APERILA 2019

Fonotaga a A'oga Aso Sa i le 6.30pm i le Maota o le Ekalesia Aso 8 Aperila

Fa'apa'iaina o le suau'u—aso 16 Aperila i le Malumalu Sagata Teresa i Karori i le 7.00pm.

Aso Sa 28 Aperila sulufaga Iesu le Agaalofo